



सानसेयारि "बड'सा" खीरालाइयाव अमाज्यादि जिज्जो लोब्बा थानाय रायथाय, ब्रन्थाय, अल', अल'बाथा आरो दावबायारि थावनि, पार्क बाइदिनि स्यायाव लिबनाय लिबिदां दैथाय हर/ सानसेयारि "बड'सा" खीरालाइया खेबखानावै फोब्रावगोन/

बड'सायाव लिबनायनि हुदा खालाम्, "बड'सा" खी नोथां, जो बयबो आंगो खालाम्।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Friday ★ 24 January, 2025 Kokrajhar, BTC, Assam ★ Vol.-33, Issue No.295 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

10 बोसोरनि बेटी बाचाओ बेटी पढाओ

नोंथांनि हिन्जावसानि सिमांखौ मोगथांआव महर हो सुकन्या समृद्धि एकाउन्ट

बोसोराव 8.2% सुट होनाय जागोन

साखाथिनि पस्ट अफिसआव सुलात ला

आसाम परस्टेल सार्केल

@cpmgassam



उशाकाआव एडभान्टेज आसाम 2.0 खौ लानानै रड श्व'आव गिबि मन्थि ड० हिमन्त बिश्व शर्माआ बाहागो लादों जापाननि हा, गुदि बिथा आरो बिजिस्थाय बायदि बिफाननि राइज्यो मन्थिफोरजों गिबि मन्थिआ जथुम खुंदों

दिसपुर, 23 जानुवारि: सानथामनि हाबाफारिजों आथिखालाव जापान हादतआव दावबायहेनाय आसामनि गिबि मन्थि ड० हिमन्त बिश्व शर्माआ हादतजों आसामनि सोमोन्दोखौ खोग्रों खालानायजों लोगोसे उद्यगआरि खालामनाय आरो रांखाथियारि जौगाखानायनि बिथिंखौ उदां खालामनायनि थाखाय दिने टकिंय'आव जापाननि हा, गुदि बिथा,



हान्था-मेला आरो दावबायारि बिफाननि राइज्यो मन्थि फरुकावा याशुशिखौ लोगो हमदों। बे लोगो हमलायनायाव गिबि मन्थि ड० शर्माआ जापान आरो आसामाव दावबायथायनि जाथावना आरो फोसावदिनायनि सोमोन्दै जापाननि हा, गुदि बिथा, हान्था-मेला आरो दावबायारि बिफाननि राइज्यो मन्थिजों सावरायलायो। गिबि

(□ 6 बिलाइआव)

कक्राझारआव बर' हारिनि गेदेमा रुंसारि रुपनाथ ब्रह्मनि थैनाय सान फालिदों

कक्राझार, 23 जानुवारि: बर' हारिनि गिबिसिन् मन्थि जानो हानाय आरो बर' महारिनि थाखाय थुनलाइजों लोगोसे राजखान्थि, समाजखान्थि फोथारआव बेसेन गोसा बिहोमा होलांनाय गेदेमा रुंसारि रुपनाथ ब्रह्मनि दिने थैनाय सान। हारिनि थाखाय बिथानि होलांनाय बिहोमाखौ मान होनाइ दिने रुपनाथ ब्रह्म गोसोखां फालिग्रा आफादनि बान्जायनायाव कक्राझारआव रुपनाथ ब्रह्मनि रुंसारि सान फालिदों। थानाय 1902 माइथायनि 15 जुनखालि कक्राझार सहरनि साखाथि



औवाबारि गामियाव जोनोम 1968 माइथायनि 23 मोनाय गेदेमा रुपनाथ ब्रह्मआ जानुवारिखालि रुंसारि हारिनि थाखाय गोबांधार जादोंमोन। मख'जाथावदि, खामानि मावलांनायनि उनाव (□ 6 बिलाइआव)

फैगौ 25 जानुवारिनिफ्राय 6 साननाडै मानास फोबों खुंनो साखा-फारा

भवानिपुर, 23 जानुवारि: वाल्ड हेस्टेज साइट मानास माहारियारि पार्कनि गाहाइ हाबरा गेट बासबारि रेन्जनि साखाथियाव सोलिफु दाननि फैगौ 25 जानुवारिनिफ्राय 30 जानुवारिसिम 6 साननि गेदेत हाबाफारिजों 'मानास फोबों' खुंनो साखा-फारा जादों। मानास फोबोंनि हाबाफारि बायदिदै फैगौ 25 जानुवारिखालि साननि 9:30 रिगायाव आसाम सरकारनि दावबायारि मन्थि रन्जित कुमार दासआ मानास फोबोंनि हाबाफारिखौ बेखेवना होगोन। 9:45 रिगायाव मानास फोबोंनि फिर्फलाखौ मानास फोबों बान्जाय आफादनि आफादगिरि सुभाष तिर्किआ बिहोगोन। 9:50 रिगायाव बिफां फुलि गायनाय हाबाफारिखौ (□ 6 बिलाइआव)

कक्राझारआव 5थि बर' गोजोन गोरोबथा सान फालिगोन

गिबि मन्थि ड० हिमन्त बिश्व शर्माआ गाहाइ आलासि महरै बाहागो लाफैगोन

कक्राझार, 23 जानुवारि: कक्राझारआव सान्नेनि हाबाफारिजों बिटिसिआ फैगौ 27 आरो 28 जानुवारियाव 5थि बर' गोजोन गोरोबथा एबा बि टि आर गोरोबथा सान फालिनो साखा-फारा जादों। मख'नो गोनांदि, फैगौ 28 जानुवारियाव कक्राझारनि ग्रीन फिल्डआव खुंनो लानाय सुबुं गौमा हाबाफारियाव गाहाइ आलासि महरै गिबि मन्थि ड० हिमन्त बिश्व शर्माआ बाहागो लाफैगोन होनाइ

सुलुखव फोस्मायदों। हाबाफारियाव बिटिआरनि गाहाइ मावफुं सोद्रोमा प्रमद बर'जों लोगोसे माखासे मावफुं सोद्रोमाफोर आरो जर'खा आलासिफोरा बाहागो लाफैगोन। हाबाफारिनि बाहागो महरै 27 जानुवारिआव कक्राझारनि बड'फा हारिमुआरि बिथोखियाव 'बड'लेण्ड एचिभास बान्था' गथायनाय जागोन। हाबाफारियाव गासै सा 85 बिफानारि 56 (□ 6 बिलाइआव)

कक्राझार बिगियान फरायसालिमानि बाय 'टेक हाबआव बिगियानगिरिफोरनि हान्जाया नायसंफैदों



कक्राझार, 23 जानुवारि: 2013 माइथायनिफ्राय भारत सरकारनि बाय टेक्नल'जि सोलिबाय थानाय कक्राझार बिफाननि रांखाथि अस्तुंथायाव बिगियान फरायसालिमानि

जिल्ला खुंथायनि बान्जायनायाव तामुलपुर जिल्लानि गायसन्थाय सान फालिदों

तामुलपुर, 23 जानुवारि: तामुलपुर जिल्ला खुंथाय दिने जिल्ला बेंगिरि मावखुलिनि मेल जथुमसालियाव 3थि तामुलपुर जिल्ला गायसन्थाय सान फालिदों। मख'नो गोनांदि, थानाय 2022 माइथायनि 23 जानुवारियाव तामुलपुर जिल्लाखौ दानाय जादोंमोन। गायसन्थाय सानखौ लोब्बा लानानै जिल्ला बेंगिरि पंकज चक्रबर्तिआ जिल्ला गायसन्थाय साननि सोमोन्दै दिनेनि मोनब्रे हाबाफारिनि सोमोन्दै मख'नानै गोदाने दाजानाय जिल्लानि गोबां मिर्जिथिजानाय आयदाफोरनि सोमोन्दै बराय बिबुंथि लाखिदों। जिल्ला गायसन्थाय साननि सोमोन्दै आसाम सरकारनि गाहाइ नेहाथारि रवि कता आरो बिटिआरनि गाहाइ मावफुं सोद्रोमा प्रमद बर' मोनहा भिडिअ आरो (□ 6 बिलाइआव)

गामिआरि सुबुं समाजखौ जौगाहोनो थाखाय गसाइगावआव पि.एम.बि.जे.के बेखेवदों



गसाइगाव, 23 जानुवारि: गामिआरि सुबुं समाजखौ गोहो होनायनि थांखिजों गसाइगावआवबो दिने प्रधान मन्थि भारतीय जन औसदि केन्द्र सुंद थै पि.एम.बि.जे.के खौ बेखेवनाय जाबाय। कक्राझार जिल्ला बेंगिरि माचान्दा एम पार्तिनआ हाबाफारियाव गाहाइ (□ 6 बिलाइआव)

कक्राझार सहरआव लामा रैखाथि सांग्रांथि हाबाफारि

फाइन फोनांनायनि सोलायै हेलमेट गानै बाइक सालायगिरिफोरनो बिफां फुलि गथायदों

कक्राझार, 23 जानुवारि: दासान्दि, दुलाराय हादतनाडै माहारियारि लामा रैखाथि दान, 2025 आ सोलिगासिनो। माहारियारि लामा रैखाथि दाननि लोब्बायै हान्था मेला बिफानजों लोगोसे गुबुन गुबुन सरकार नडै फसंथानफोरा बायदि बायदि हाबाफारि लानायनि गेजेरजों

जाब्रबथाइनिफ्राय रैखाथि मोनो हानाय बायदि गारि सालायनायनि फासै सरासनस्त्रा राइजो-राजाफोरनि गेजेराव सांग्रांथि लाबोनायनि थाखाय हाबाफारि लाबाय थानायखौ नुनो मोन्दों। बेबायदिनो दिने कक्राझार सहरआवबो लामा रैखाथि दान फालिनायनि



लोब्बायै मोनसे जर'खा लामा रैखाथि सांग्रांथि हाबाफारि लानायखौ नुनो मोन्दों। कक्राझारनि सरकारि नडै फसंथान डिस्कभारि क्लाब, नडाल एनजिअनि बान्जायनायाव कक्राझार जिल्ला रोगाथाइ बिफाननि हेफाजाबजों (□ 6 बिलाइआव)

मुसलपुर, 23 जानुवारि: बाक्सा जिल्लानि गाहाइ मावख' नोगोर मुसलपुरआव बिटिआरनि गुबुन मोनसे राजखान्थि दोलो गण सुरक्षा पार्टी (जिएसपि) आ फैगौ 9 मार्चआव गिबि खेबनि थाखाय मिरु जथुममाखौ खुंफुंनो थाखाय गुवारै साखा-



(□ 6 बिलाइआव)

सुजुगिरिनि खोलोम

औवा आरो बर' हरिमु

बर'नि फंसे राव दड- उन्दैयाव सि गानो, देरो ब्ला लंथं जायो। बेनि फिन्नाया औवा। बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनाय जायो बर'फोरनाव औवानि हरिमुवा एग्रे-बेग्रे जोबनो गैयै। बाथौ थानसालि दुमनायनिफ्राय लानानै ओंखि जानाय मेवाइ, न'-बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगैया आस 'खान्दा नुजायो।

ना सानो सेन, खखा, थर्खा, सेन्द्राय, जेखाइ, खबाइ, बोरसि दान्दा; मैहरुनि थाखाय जं-बोलां, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सांगं, दानाय-लुनायनि सोरखि, दाडानाथा,बौदांगि, गनसि, सेवारि, खादिनि, खुन्थिया, रासो, न'-बां लुनायनि खुन्थिया, फेराइ, थेवयोल, खाथिमाल, रोजाबनाय-मोसानायनि थाखाय हाखाउ, सिफुं, बिडि जेरावबो जेरैबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांखला, मै-जुंगाल-दांगुर, बैसां जेरावबो औवानि गोनां जायो।

गोदोनि समाव गथ' जोनोमनि उनाव उथुमाय हास'नाय खाथिनिफ्राय गोथै बानगरनाय समसिम औवा नडब्लानो बर'नि हरिमुया आबुं महर नुजाया।

औवानि बेफोर गुन आरो गोनांथिखौ नाइनानै आथिखालाव गुबुन आबादजौं लोगोसे औवानि आबाद खालामनो जोथोन लानांसिगौ। औवानि बेसेन बारायग्लाबनो लानायाव बारिनि औवा सुबाखौ दानगलुंनानै लांदां खालामनो लानायाव जौनि ओन्सोलनि गामिफोरा औवा बारिजौं ग्रोम ग्रोममोनब्लाबो आंखाल नुजाहांबाय। बेखायनो औवानि गोनांथिया बर' हरिमुयाव गोनांथार जानाय आरो फालांगियायि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफेबाय। सम सम गुबुननि जौगा जोलै औवा लाबोनानै औवा बागान खालामनाय नुदोंमोन औवानि गोनांथिखौ नायनानै।

बेराफार्से इयुन जोलैनो बर'नि औवा हरिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजे-आइला हेबनाय-दान्नायनि ट्रेडिनि सेन्टार गायसन्नायनि गोनांथि होनांगौ।

दिनैनि फान्जामुथि

राशि बाइदियै मुनि गिबि हांखो

मेघः अल बुधः ऊब (उ ए इ) मिथुनः क छ (ड घ) कर्कटः ड ह सिंहः म ट कन्याः प ठ (ण ष) तुलाः त र वृश्चिकः ब न धनुः ध भ (ङ फ) मकरः ख ज कुम्भः ग श (स) मीनः द च (ख ज झ)

- मेघः** देहा-सोलेरआव बोरैबाफोर जोखोमफोर मोन्तो हागौ। जेरैबो सांग्रां जानानै थानांगोन।
- बुधः** नख'रआव सोरबा गोदान आलासिफोर फेनो हागौ। गोसोखौ गोजोन मोनगोन। मोजां सान।
- मिथुनः** जेखि खामानिखौनो मावा मानो जौगानायखौ मोनगोन। मोजां सान।
- कर्कटः** मोजां मोनलायग्राफोरनि थाखाय मोजां सम। अनलायनाय फेगोन। गोजोनै सम बारहोनो हागोन।
- सिंहः** जेरैबो सांग्रां जानानै खामानिफोर मावनो हागोन। देहायाव जोखोमफोर मोन्तो हागौ।
- कन्याः** जेरैबो गोजोन्नायखौ मोन्तो हागोन। जेखि मावा जाफुंसारनायखौ मोन्तो हागोन।
- तुलाः** बेबा गोजान जायगायाव दावबाय हैनो मोन्तो हागौ। गोसोखौ गोजोन मोनगोन मोजां सान।
- वृश्चिकः** जेखि जाया बेरामफ्राव गोगलैबायनो हागौ। जेरैबो सांग्रां जानानै थानांगोन।
- धनुः** सान्नाय-हनाय गासैबो जाफुंनारखौ मोन्तो हागोन। गोसोखौ शान्ति आरो गोजोन मोनगोन।
- मकरः** दिनैनि दिनआव रंजा-बाजा खालामनो हागोन। गोजोनै सम बारहोनो हागोन।
- कुम्भः** मावाफोर जेना दडबा जोबसांलांगोन। सुख-शान्तिखौ मोन्तो हागोन। मोजां सान।
- मीनः** बे राशिनि थाखाय शुभ सान। मोजां खामानियाव आगान सुखोनानै लानो हागोन। जाफुंनारखौ मोनगोन।

मेड-इन-इन्डिया दिहुन्थाइफोरनि सायाव मुलुगनाडै अन्साइनाया बांगासिन्दों: अश्विनी

डावस, 23 जानुवारि : बिथाड बुडोदि, जौनि मेड-इन-इन्डिया दिहुन्थाइफोरनि थाखाय मुलुगनाडै नि अन्साइनाया बांगासिनो दं। बेजों लोगोसेनो समाजारि आयदाफोरनि सायावबो नोजोर होनांगौ। आश्विनी भैष्णबआ डावसआव भारतनि थांखिखौ मख'नानै बुडोदि, गाहाइ मन्थि नरेन्द्र मदिआ जेब्लायबो जौंखौ गावनि नाजानायफोरखौ मुलुगयारि थाखोयाव साबसिन खालामनो थाखाय लामा दिन्थियो। गावनि गुबुन-गुबुन



जथुम्माफोराव बुडोदि, मुलुगयारि थाखोयाव साबसिन टेकन'लजिखौ आजावना लानो

सौहैनानै बिथाड ज्युरिक्आव स्विस फेडरेल रेलवे थान्दै आफादजौं लोगो हमारो आरो रेखाथि टेकन'लजिफोर आरो जोथोन लानाय नेम-खान्थिफोरनि सायाव गुवारै सावरायो। बिथाडा सुइजारलेन्डनि माग्रेथेनाव स्टेडलार रेल डाब्बा बानायग्रा प्लान्टआवबो दावबायो। स्टेडलार रेल प्लान्टआ डाबल-डेकारनि ट्रेनफोर बानायो। बिथाडा स्विस जर'खागिरिफोरजों लोगोसे

3 बोसोरसिम स्रोदयै थाखोमा फैनाय सानै म्यान्मारीफोरखौ मणिपुराव ग्रेप्टार खालामदों

इम्फल, 23 जानुवारि: म्यान्मारनि सानै रहिंग्या बिसि-फिसायनि जराया थानाय 3 बोसोरसिम सिमना सहर मरेहयाव स्रोदयै थाखोमादोंमोन। दिने बिसोरखौ ग्रेप्टार खालामनानै मणिपुरनि इम्फलाव थानाय गंसे बिजिरसालियाव दिन्थिनाय जायो। बिबानगिरिफोर बुंनाय बायदिब्ला, बुधबारखालि सोनाब इम्फलनि गाहाइ सदरनि मेजिस्ट्रेटनि बिजिरसालिया मणिपुराव आयेनारि फोरमानफोर गैयाजासे थानायनि रहिंग्या बिसि-फिसायखौ दाय हमारो। जियाबुर रहमान (37), (एल) सेराजुन सालामनि फिसाज्ला आरो म्यान्मारनि माउसांवत राइज्योनि बिनि बिसि फातियाम बेगम (35) खौ पुलिसआ ग्रेप्टार खालामो। बे ग्रेप्टार



खालामनाया बै समाव जायो जेब्ला बे जराया सिंजामेइ पुलिस स्टेशनाव सासे बैसो जायै रहिंग्यानि सोमोन्दे जेर सेबजानो फे दोंमोन। बिसोरखौ बिजिरसालियाव दिन्थिनायनि उनाव बिसोरखौ गुबुन हादतयारि नेम-खान्थिनि आर्टिके ल 14 (सि) नि गेजेरजों दायनिगिरि हमारो। बिसोर रहिंग्या मुलसमान आरो म्यान्माराव सान्थियारि नायबिजिरनायनि उनाव


एनआरएफएमजों लोगोसे मोन 8 हान्जाया सुबुंखाथि सानआव बन्द फोसावदों

इम्फल, 23 जानुवारि: मणिपुरनि एनआरएफएमआ 26 जानुवारि 2025 आव फुनि 1.00 रिगानिफ्राय बेलासिनि 4.00 रिगानिसिम भारतनि सुबुंखाथि साननि हाबाफारिखौ नेवसिनानै 15 घन्टा सरासन्सा बन्द फोसावदों। उदांसि गोनां हादर मनिपुरखौ भारतजों राइइ खालामनायखौ सोंखारिना एनआरएफएमनि खौरां आरो फोसावदिं नेहाथारि सानाजबा मेइतेइआ मोनसे फिन्नाय फोसावना सरासन्सा सुबुंफोरखौ खौसे जानानै न'आव थानो आरो राइज्योनाडै सुबुंखाथि सानखौ नेवसिगारनो खावलायो। मख'जाथावदि, बे आफादआ 1949 माइथायाव उदांसि हादर मणिपुरआ भारतीय संघआव गोरोबथा खालामनाय एबा भारतजों राइज्यो महैरेहाबनायनि हेंथायै धर्ना खालामगसिनो। अदेबानि बै सानाव इमार्जेन्सि



सिबिथाय जेरै मिडिया, सोलोंथाय, दै जगायथाय, अर खोमोस्रा सिबिथाय, धोरोमारि हाबाफारि, मोब्लिब बायदिफोर बन्दनिफ्राय रेहाय मोनगोन। एनआरएफएमनि दाय जाबसिन्नाय बादिब्ला, भारतआ मणिपुरआव गोरोबलायै नुजाथिहोना आरो सुबुंफोरनि मोन्थायखौ नेवसिनो खैसार सादों, जायखौ सुबुड हेंथा नुजाथिहोनाय, गोहो बाहाय आरो खुंथाय खुं'होनाय राजखान्थि खालामनायजों

इसर'आ गिबि सुबुं मिसननि क्रु मड्युलखौ अख्रांमायाव दैथायहरबाय



बेंगालुरु, 23 जानुवारि: इसर'नि लिक्वुइड प्रपल्सन सिस्टेमनि मड्युलखौ जाफुंसार महैरे आबुं खालामनायनि उनाव गगनयाननि गिबि सुबुं थांफोनाय मिसननि थाखाय क्रु मड्युलखौ अख्रांमनि अर्बिटआव दैथायहरो। अख्रांमायाव सुबुं मिसन दैथायहरनायनि गोहोखौ मोनफुंनारनि फार्से गगनयानआ इसर'नि गिबि नाजानाय। क्रु

श्रीहरिकटानि सतिश धवन अख्रांमा मिरुनिफ्राय लन्व खालामबाय। इसर'नि बादिब्ला, क्रु मड्युल प्रपल्सन सिस्टेम (सिएपिएस) आ मोनसे बाइ-प्रपेलेट बिथा गोनां आरसिएस, जायखौ क्रु मड्युलखौ सांग्राडै 3 अक्ष कन्ट्रल खालामनो थियारि खालामनाय जादों। उसर'आ बुंबावदोंदि, बे सिस्टेमआव 100 एन थ्रस्टार मोन 12 गोजौ थाखोनि नारसिन्थाय गोनां गेस बथलफोरजों लोगोसे नारसिनग्रा सिस्टेम आरो लोब्बा गोनां द्रभ कन्ट्रल बायदिफोराबो दंफायो। मख'जाथावदि, 100 एन थ्रस्टार आ रकेट मटर, जायखौ अख्रांमा यानआव प्रमसननि थाखाय बाहायनाय जायो।

पाठशालाआव 77 थि आसाम साहित्य सभा खुंनायनि थियारिआ गोखैयै सोलिगसिनो



पाठशाला, 23 जानुवारि: आसामनि बयनिखुडुबे देरसिन थुनलाइयारि आफाद आसाम साहित्य सभा (एएसएस) नि 77 थि नै बोसोरारि जथुम खुंनो गोखों थियारि खालामगसिनो। बेनि हाबाफारिखौ पाठशालाआव खुंनाय जागोन, जायनि 60 जौखोन्दो खामानिआ जोब्लाय। बझाली जिल्लानि पाठशालाआ

सोद्रोमाफोरा आलासिफोर थानायनिबो मोजां राहा खालामदों आरो राइज्योनाडै निफ्राय बेयाव 5,00,000 नि बांसिन थान्दै, आलासिफोर फेगोन होन्नानै आसा फोरमायदों। देग्लायनि बे जथुम्मायाव बजाली टपीनि मददजों बिगियान मेलाबो खुंनाय जागोन। जायनि थांखिआ बिगियान आरो थुनलाइनि गेजेराव सोमोन्दो गायसन्नाय। बे अनगायै मोनसे हारिमुवारि हाबाफारिआ आसाम आरो सा-सान्जा गुबुन गुबुन हारि-माहारिफोरनि आसार-खान्थि आरो हारिमुफोरखौ सोराडाव लाबोगोन।

सुप्रिम कर्टआ गाहाइ नेहाथारिखौ बेंखनाव लाखिदों

गोदान दिल्ली, 23 जानुवारि : सुप्रिम कर्टआ थानाय बुधबारखालि हालफनामाखौ गनायजाथावै होन्ना फोरमयाननै आसाम सरकारखौ नेवसिगारनानै गाहाइ नेहाथारिखौ बेंखनआव लाखियो। आसाम सरकारा गावनि हालफनामाआव माटिया डिटेन्सन मिरुआव सा 270 गुबुन हादतयारिफोरखौ जोबथेना लाखिनायनि जाहोनखौ फोरमायदोंमोन। जास्टिस अभय एस अका आरो एन कटिस्वर सिंहेनि पीठआ आसामनि गाहाइ नेहाथारिखौ बेंखनआव लानानै



फेगौ समनि हियारिनि अक्टखौ भिडिअ कन्फेन्सिआव बिथोन होनानै गुवारै खेंफोरथि होनो थिनो। पीठआ बुडोदि, थानाय 9 डिसेम्बराव आसाम सरकारनो हालफनामा थिसन्तो थाखाय 6 सप्ताहनि सम होदोंमोन आरो बेयो मिजिं थिदोंमोनदि, बेयाव सा 270 गुबुन हादतयारि

नोगोरारिफोरखौ जिम्मानि मिरुआव लाखिनायनि जाहोन होनायजों लोगोसे बिसोरखौ गावसोरनि हादतआव दैथाइहन्तो थाखाय दिखानाय थांखिफोरनि खौरां होनाय जागोन। बेयो बिजिरसालिनि बिथोनखौ आबुडै सिफायो। पीठआ सोंथि दिखाडोदि, दासिमाव गुबुन हादतयारिफोरखौ दैथाइ हर्फिन्नाय हाबाफारिखौ जागायफिनाब्ला, जिम्मानि मिरुखौ मानो सालायगसिनो दं। बेजों लोगोसे बिजिरसालिया आसाम राइज्यो लेगेल सार्भिच अट'रिदि माटिया जिम्मा अट'रिदिखौ माटिया जिम्मा मिरुआव नोजोर लाखिनानै बेयाव गोगो आरो गुण गोनां आदारखौ नायबिजिरनो बिथोन होयो। सुप्रिम कर्टआव थिसन्ना आर'जलाइआव आसाम सरकारनो बिथोनखौ होनो दाबि दैखादोंमोनदि, सरकारा जुदि इयुनाव जिम्मायाव लाखिनाय गुबुन हादतयारिफोरनि फेफिन्नायनि फोरमान दिन्थियाब्ला बिसोरखौ गुबुन हादतयारि बिजिरनायनि गेजेरजों फोसावनाय जायखि-जाया सुबुंखौ जिम्मानि मिरुआव लाखिनो नाड।

सोलोथायनि गुनखौ फोजौखानायनि थाखाय सरकारआ गोदान सैनिक स्कुल खुलिगोन: मन्थि राजनाथ सिं

अलप्यझा, 23 जानुवारी: मिरुनि रेखाथि मन्थि राजनाथ सिंआ बुंदोदि, भारतआव सोलोथायनि गुनखौ जोगाखांहोनायनि थाखाय मिरु सरकारआ हादतनाडें गं 100 गोदान सैनिक स्कुल गायसन्नो थांखि लादों। सरकारनि बे थांखिया हादतनि आबु जोगानायव बिहोमा होगोन। के रेलानि अलप्यझाआव बिद्याधिराज सैनिक स्कुलनि 47थि बोसोरारि साननि हाबाफारियाव बाहोमो लानाने मन्थि राजनाथ सिंआ बुंवावोदि, मिरु सरकारआ सैनिक स्कुलफोराव हिन्जावसाफोरखौ थिसन्थाय होनायनिबो राहा खालामनाय जादों। लोगोसेनो मिरु सरकारआ सैनिक स्कुलफोरखौ दफ्रोमबो जिल्लाफोराव गायसन्नायनि थांखि लादों, जाहाथे गुबुन गुबुन हारिमुआरि फोथारनि आरो गोथौ ओन्सोल फोरनि फ 1 य



फरायसाफोरखौ बेयाव थिसनफानो हायो। हादतआव सावस्ति, फोनांजाब, उद्यग, हान्था-मेला आरो रेखाथि बायदि फोथारफोराव जोगाखांनयजों लोगोसे गावनि आंथिडाव गसंथानायाबो गोखोंसिन जाबोगासिनो। बेखौ नोजोर होनाने सोलोथाय आरो उन्डेफोरनि आबु जोगाखां जांखिथाइ लाबोनायनि गोनांथि दड। सोरबा सान्थिखौ

इम्फल उरां जाहाज गाथोनाव सासे रहिंग्या रिपुजि ग्रेटार खालामदों

इम्फल, 23 जानुवारी: रहिंग्या रिफिउजि, जाय इउएन सुबु मोन्थाइ परिषद (इउएनएचआरसि) नि गेजेरजों फोसावनाय कार्डमोन। पुलिसनि बायदिब्ला, सासे रहिंग्या रिफिउजिखौ सुबुथियाव आयेन बेरेखा फोरमानलाइ गैया जासे हाबनायनि दायाव बीर टिकेन्द्रजित हारिमायारि उरां जाहाज गाथोन इम्फलाव ग्रेटार खालामो। 16 बोसोर बैसोनि मद अनाशा म्यानमारनि नोगोरारि जेद रहमाननि फिसाज्ला, जाय गावखौ म्यानमारनि रिफिउजि होना फोरमायो, बिखौ बुधवारखालि इम्फलाव उरां जाहाज गाथोननि बिबानगिरिफोरनि गेजेरजों ग्रेटार खालामो। बियो हाइडाबादनिक्राय गुवाहाटीनि गेजेरजों बिरनाने इम्फल उरां जाहाज गाथोनाव सौहैयो। पुलिसनि बायदिब्ला, इनार



लाइन पार्मिटखौ फालियैनि थाखाय ग्रेटार खालामो, जाय मणिपुरव हाबजा जायखि-जाया

गुबुन हादतयारि आरो हादतयारि नोगोरारिफोरनि थाखाय मोनसे गोनां थार दावबायनाय

फोरमानलाइ। गाहाथै सिमनायाव रेखाथि जेनाफोरनि जाहोनाव गुबुन बाइजोयारिनि थाखाय बे

इनार लाइन पार्मिटखौ 1958 माइथायाव फोसावदों मोन। आथिखाल मद अनाशनाव इउएनएसआरसिनि गेजेरजों फोसावनाय मोनसे कार्ड दं, जायनि गनायथिया 2025 नि 17 मार्च सिमनिल 'मोन। बिखौ आयेनारि नायबिजरनो थाखाय सिंजामेइ पुलिस स्टेशननो गथायो होना एथारपर्टेनि बिबानगिरिफोर बुडो। अदेबानि गाहाथै मुसलमान, जायफोरा बौद्ध गोबं म्यारमाराव हारियारि दाडा-बाजिनिक्राय खारनाने भारत, बांलादेश हादतफोराव आस्रय लागीसिनो दं।

फोरमानलाइ गैथै 20 रोजा भारतयारिफोरखौ आमेरिकानिक्राय दैथायहरफिन्नाय जागोन

वाशिंग्टन, 23 जानुवारी: आमेरिकानि हादरगिरि डनाल्ड ट्रम्पआ आइन बेरेखाथै हादरआव थाफैग्राफोरनि सायाव गोखों नायबिजरासिनो दड। ट्रम्प खुंथाया मेक्सिक 'जों लोगोसे खोला सिमनायाव द 1 य नि गि रि पोर खौ सिनायथिगासिनो दड, जायफोरा जेबो फोरमान बिलाइ गैयालासे हादरआव हाबदों। आमेरिकायाव 20,000 निखुइ बांसिन भारतयारिफोर दड, जायफोरा जेबो फोरमान बिलाइ गैयालासे आमेरिकायाव थादों। सन्देह खालामनाय बादिब्ला, आमेरिकाआ बे सुबुफोरखौ भारतआव दैथायहरफिन्नो प्लानि खालामगासिनो दड। भारत सरकारआबो बे केसनि सायाव ट्रम्प खुंथायजों लोगोसे हेफाजाब होनां गौ। गुबुन हादरयारि मन्थि एस जयशंकरआ बुधवारखालि बुंदोदि, जौनि सरकारआ जेबो फोरमानलाइ गैथै भारतयारिफोरखौ लाबोफिनो थाखाय थियारि। आथिखालाव फोरमानलाइ गैथै बेसेबां सुबुफोरा आमेरिकायाव



दध बेनि सोमोन्दे जेबो रोखा खौरं मोनाखे। मख 'नो गोनांदि, गासै 1,80,000 भारतयारिफोरा बेयाव दड, जायफोरनाव जेबो

फोरमानलाइ गैया एबा गावनि भिजा समनिक्राय बांसिन समसिम थानाने दड। बे केसनि सायाव जों आमेरिकाजों लोगोसे

गोरोबलायनाने हाबा मावनांगोन होनाने जयशंकरआ बुडो। आथिखालाव बिसोरनो आमेरिकाआ भिजा होनायाव गोबाव जानायनि केसआबो सोराडाव फेदों। आमेरिका खुंथायनि फार्सिनिक्राय थियारि खालामनाय फोरमानलाइफोरनि बादिब्ला, आमेरिकायाव 18 रोजा बेबादि भारतयारिफोर दड, जायफोरनियाव आमेरिकायाव थानो थाखाय थोजासे आइनारि फोरमानलाइ गैया।

मणिपुर सरकारआ लकतक बिलो रेखाथिनि थाखाय गोदान नेम लाबोदों

इम्फल, 23 जानुवारी: मणिपुर सरकारआ राइज्योनि थाखाय मोनसे गोनांथार मिथिगायारि सम्पद लकतक बिलोनि थाखाय रेखाथि होनो नाजानायखौ गोखों खालामनो राहा लागीसिनो दं। गिबि मन्थि एन बिरन सिंहेनि दैदेन्नायाव खुंनाय बे मेलाव बिलोनि लोरबां सोरबिथिं थासारिखौ रेखाथि होनायनि गोनांथिखौ दिन्थिनाय जादोंमोन। गाहाय थिरांथाफोरनि मादाव दं बिलोनि सोरगिदिं जायखि-जाया हाबनायनि थाखाय सिगांगो गनायथि लानांगौनि गोनांथि जानाय, गनायथि गैथै खामानिफोरनि थाखाय सुबुफोरखौ दायनिगिरि खालामनाय आरो गोरोबनाय रेखाथि हाबाफारिफोरखौ बांहोनाय। नोगोरारिफोरखौ बिलोनि सोरबिथिंआरि समांन्थिखौ



लाखिनायाव मदत होनो थाखाय अरायथा आदबफोरखौ नाजावनो थाखाय थुलुंगा होनाय जायो। सरकारआ दखल खालामनाय, गुबुले जानाय आरो दावबायारि एबा गुबुन जायगाफोरनिफ्राय दावबायफैनाय हारिसाफोरनि थाखाय खैफोद बायदि

सोलिबाय थानाय जेनाफोरखौबो सुखंगीसिनो दं। लकतक जोगाखां बिबानगिरि, खाजोना बिफान आरो जायगायारि बिबानगिरिफोरा जयै खामानि मावनायजों बिलोनि सिमाखौ थि खालामनो थाखाय मोनसे सम सिमना थि खालामनाय

जादों। गाहाइ नेहाथारिआ बिलोनि आबहावारि, हारिमुआरि आरो रांखान्थियारि गोनांथिखौ सरैखा खालामनो सरकारनि रादाइनि सायाव गोसो होदों आरो नोगोरारिफोरखौ बेनि रेखाथियाव बिहोमा होनो खावलायदों।

राइज्योआव अरायथा जौगानाय लाबोनो भिसि-एलसिआ गोनांथार: लालदुहमा

आइजल, 23 जानुवारी: मिजरामनि गिबि मन्थि आरो जराम पिपुल्स मुभमेन्ट (जेपिएम) नि दैदेनिगिरि लालदुहमाआ बुंदोदि, सरकारआव मोनसे गामि परिषद (भिसि) आरो जायगानि परिषद (एलसि) नि गोनांथि दड, जाय सरकारजों लोगो लानाने गोखों जौगानाय लाबोनायनि थाखाय हाबा मावनो हायो। दर 9 जिल्लाफोराव 544 भिसि आरो आइजल नोगोर निगम (एएमसि) आरो लुंले नगर परिषद (एलएमसि) नि सिडाव 111 एलसिनि थाखाय भटआ फेगौ 12




फेबुवारिआव खुंजागोन। थेंजावल ब्लकआव जेटपिएम दोलोनि बिजाथिफोरनि मुं फोसावनाने लालदुहमाआ बुंदोदि, सरकारि यजनाफोर आरो सुबिधाफोरा जेब्लासिम भिसि आरो एलसि आरो बेरेखा

सौहैनाय नडा। बेजों भिसि आरो एलसिआव जोगाखांनय हाबाफारिफोरा हेंथा नुजाथिबाय थागोन। बेनिखायनो राइज्योआव परैबादि भिसि लानाने हाबा मावो होनानेबो गिबि मन्थिआ बुडो। बिथाडा राइज्योनाडै जेपिएमनि मावफारियाफोरखौ जानो गोनां बिसायख 'थिआव दोलोफोरा दोलोआव थागोन आरो सरकारजों लोगोसे हाबा मावनो नेवसिगारगोन अब्लासिम सुबुफोरनिसिम

बिसायख 'थिआ फेगौ 12 फेब्रुवारिआव खुंजागोन आरो बे सानखालिनो भट सोनाया जोबनायनि उनाव सान्नायबो जागोन। राइज्यो बिसायख 'थि आयगआ बिजाथिफोरनि बिजाथिलाइ गथायनायनि जोबथा सानखौ 23 जानुवारिसिम थि खालामदों आरो सोरबा बिजाथिआ मुं बोखानाने लायोब्ला 27 जानुवारिसिमआव बोखानाने लानो हागोन।

रायचुरआव गारि जाब्रथायजों सा 3 फरायसाफोरजों लोगोसे साब्रै सुबुनि जिउ गोमादों, गुबुन सा 10 आ जोखोम जादों

रायचुरआव गारि जाब्रथायजों सा 3 फरायसाफोरजों लोगोसे साब्रै सुबुनि जिउ गोमादों, गुबुन सा 10 आ जोखोम जादों



रायचुर, 23 जानुवारी: कर्नाटकनि रायचुर आरो पल्लापुरानिक्राय मोनसे लामानि जाब्रथाय जानाय खौराडा सोराडाव फेदों। रायचुरआव गंसे गारि बेल्लथानाय जाब्रथायजों सा 3 फरायसाफोरजों लोगोसे साब्रै सुबुफोरनि जिउ गोमादों आरो सा 10 गुबुन सुबुफोरा जोखोम जादों। जाब्रथाय सोमजिनयनि खौरं मोन्नाय लोगो लोगो

लानाने तांगासिनो दडमोन, जायफोरा नरहरि मन्दिरआव फुजा खालामनो थाखाय हम्पीनि थोरोमारि दावबायनो थादोंमोन। पुलिसआ फोरमायनाय बादिब्ला, बे जाब्रथाया सिन्धुनुआव थानाय अरागिनमार केम्पनि खाथियाव जादों। जिउ गोमानाय फरायसाफोरनि सिनायथिखौ आर्यभदर (18), सुसिन्द्र (22) आरो अभिलाष (20) होनाने सिनायथि होदों। जाब्रथायाव 24 बोसोर बैसोनि शिबा मुनि गारि सालायगिरिआबो जिउ गोमायो। जाब्रथायाव जोखोम जानाय सा 10 सुबुफोरखौ जायगानि देहा फाहामसालिआव थिसन्नाय जायो।



मीरपेटआव गिखंधाव जाथाय नुजाथिदों। बेयाव सासे आगुनि सान्थि गुरु मुर्तिआ गावनि बिसिखौ बुथारनायनि उनाव बिनि गोथे सह 'खौ टुक्रा-टुक्रि गोदाना बिखौ प्रेशार कुकाराव रुयो। बिबानगिरिफोरा फोरमायोदि, दायनिगिरि गुरु मुर्तिआ थांनय 18 जानुवारीयाव गावनि बिमा-बिफाजों लोगोसे हाइडाबादनि बायजोआरि ओन्सोल मीरथेटनि पुलिस थानायाव

बेनि केस थिसन्नाने पुलिसा नायबिजरनो जागायो। बे समाव पुलिसा मिबिथिनो मोनोदि, थांनय माखासे सानफोरनिफ्राय बिसि-फिसाइनि गेजेराव दावराव-दावसि सोलिगासिनो दंमोन। बेनि उनाव पुलिसा गुरु मुर्तिखौ जिम्मायाव लानाने जेर सेवो। बेजों सेथोया सोराडाव फेयो। दायनिगिरिया बिसिखौ बुथारनाय बाथाखौ सिमान लायो। पुलिसनि बायदिब्ला,

दायनिगिरिया जेर सेबनायाव फोरमायोदि, बियो गोथै सह 'नि बेदरखौ कुकाराव संना फुखियाव गारहदों। पुलिसा आथिखालाव गुरुमुर्तिनि बिबुंथिनि सायाव बिथा खालामनाने फोरमान बुथुमनायाव नांथावदों। बिसोर गोथै सह 'नि थुखाफोरखौ नागिरासिनो दं। सुलुनि बायदिब्ला, गुरु मुर्तिआ सान्थिनिफ्राय आजिरा लाखानिक्राय। आथिखालाव कन्चनबागआव बियो रेखाथि गार्डनि महरे खामानि मावगासिनो दं, दायनिगिरिनि जुलिया 13 बोसोर सिगां वेन्कट माधवीजों जादोंमोन। बिसोरहा साने फिसाफोर दं। बे बुथारनाय जाथायखौ नायबिजरनाया सोलिगासिनो दं।

आलिपुरदुवार डिभिजनआव केटारि इउनिटनि थाखाय इ-निलाम

आलिपुरदुवार डिभिजनआव केटारि-जेनेल माहर इरनिट (जिएमइ)नि थाखाय इ-निलाम। गाहायाव रोखाथे होनाय बायदि: निलाम केटालग नं.: सि-470-जिएमइ-सिप्टिज, निलाम जायनाय अक्ट आरो सम (गासै लट): 03-02-2025 नि 11:00 सिगा। निलाम जोबनायनि सम आरो अक्ट: 03-02-2025 नि 13:20 सिगा। रेट इरनिट: बोसोरारि लाइसेन्सि फिस: टिप्प/सान: 1826।

सेक नं.	लट नं.	स्टेसन
एए/1	केटारि-पुर्ण्डिने-एडिगम-जिएमइ-28-22-1	आलताग्राम
एए/2	केटारि-पुर्ण्डिने-एमआरडिबि-जिएमइ-68-22-1	मारदडा
एए/3	केटारि-पुर्ण्डिने-जिडपि-जिएमइ-55-22-1	गौरपुर
एए/4	केटारि-पुर्ण्डिने-एडसअने-जिएमइ-58-22-1	हामिलतनगन्ज
एए/5	केटारि-पुर्ण्डिने-जिडिपि-जिएमइ-49-22-1	गवसादांग
एए/6	केटारि-पुर्ण्डिने-जिडिपि-जिएमइ-48-22-1	गवसादांग
एए/7	केटारि-पुर्ण्डिने-जेपि-जिएमइ-61-22-1	जलगाइगिरि रड
एए/8	केटारि-पुर्ण्डिने-जिडकेट-जिएमइ-57-22-1	गुमानिहाट
एए/9	केटारि-पुर्ण्डिने-बिडिपि-जिएमइ-29-23-1	बागडिपि
एए/10	केटारि-पुर्ण्डिने-केसिएफ-जिएमइ-64-22-1	काल्पनी
एए/11	केटारि-पुर्ण्डिने-केएएमजि-जिएमइ-62-22-1	खामाख्यागुरि
एए/12	केटारि-पुर्ण्डिने-केएएमजि-जिएमइ-63-22-1	खामाख्यागुरि

गोजौआव होनाव इ-निलामइ-निलाम केटारि फारिखाथिनि गेजेरजों www.ireps.gov.in वेबसाइटआव हगारखानाय जाबाय।


डिआरएम (सि), आलिपुरदुवार जंसन

सा-सान्जा सिमना रेलवे

"मिनिस्त्रायजों प्राक्कमेरिनि सिबिवाइ"

रेस्टुरेन्टफोरा अनलाइन फुड डिलिभारिनि थाखाय प्लानिं खालामदों

गोदान दिल्ली, 23 जानुवारि : अनलाइन फुड अर्डर खालामनाय समाव नोंथाडा नोजोर होदों ना? बे जाग्रा आदार अफलाइननिफ्राय बेसेन बांसिन जायो। अदेबानि फैनो गोनो समाव नोंथाडा बाडइ बेसेनावनो मोनगोन। मानोना रेस्टुरेन्टफोरनि आफादआ बेबायदि सिबिथाइ होनो नाजागासिनो। रेस्टुरेन्टआ जमेट' आरो स्विगि बायिद गिदिर फुड डिलिभारि कम्पानीफोरजों मोगा-मोगि खालामनायनि प्लान खालामदों, बेनि दाबि खालामनाय बायिदव्ला, फुड डिलिभारि कम्पानीफोर प्राइभेच ले भेलनि जाग्रा मुवा-फानगासिनो दं, जायनि गोहोमा बेनि फालांगियाव गोगलैदों। रेस्टुरेन्टआ सरकारनि फारसे निफ्राय हरनाय अएनडिसि। प्लेटफर्मखों



बाहायगिरिफोरनिसिम जाग्रा मुवा-डिलिभारि खालामगोन। अएनडिसिजों सरजाबफानाय यजनायाव खामानि मावगासिनो दं। रेस्टुरेन्टआ बे प्लेटफर्मजों सुबुंफोरखों सरजाबनायनि रहाबो नागिरदों। मख'जाथावदि, अएनडिसिआ मोनसे प्लेटफर्म, जाय गुबुन-गुबुन इ-कमास कम्पानीफोरखों सरजाबो। बेनि

थांखिया फिसा-फिसा डिजिटेल बिजनेसखों फालांगिरिफोरनि गिदिर प्लेटफर्मनि सायाव सोनारनायखों खम खालामनायाव मदत मोनगोन। नेशनेल रेस्टुरेन्ट एस'सियेशन अफ इन्डिया (एनआरएआइ) नि ट्रास्टी अनुसग कत्यारीआ टिअआइजों सावरायनायाव फोरमायोदि, अएनडिसिजों शोयारिं खालामनायाव रेस्टुरेन्टआ गावनि मोनफिन्नायाव मदत मोनगोन। अएनडिसिनि गेजेरजों रेस्टुरेन्टफोरा गावनि कास्टमार डायसिम गोरलैयै सौहैनो हागोन। डाटाया दाबो जमेट' आरो स्विगिनियाव दं। अदेबानि जागायजेन्नायाव माखासे जेना जानो हागौ। नाथाय गोलाव समाव बे थांखिया रेस्टुरेन्टफोरनि थाखाय मुलाम्फा गोनो जागोन।

फोलानाय

जेब्ला आं नोंखों सान्दोंमोन सिरिसे गुसु बारा बारफैदोंमोन जेब्ला आं नोंखों नुयो आंनि सिमाडव, आं उन्दुनायनिफ्राय सिखारनो लुबैयाखैमोन जेब्ला आडो हारसिडै, आं नोंखों मिथियो मोकथाडव आंगो आंनि। जेब्ला नोडे आंगो आंखों, आं गासिखोंबो बावो। नाथाय जेब्ला आं नोंखों दानो नागिरो नों बारजों गोमोर लाडे। यै आंनि मोजां मोननाय बबाव दड नोडे? आं गिखांदोंमोन नों गोहो बोलो नागारनानै फै, आं हारसिडै। आं नोंनि गोनांथार फेलें जानाय आरो थरैनो मोजां मोनो आं नोंखों।

मुसि अशक बसुमतारी
गामि - गफालगाव,
ला:सो: - कक्राझार

जिउनि दिड

गोसोआव दड आंहा अन्जिमा गैयै मिजिं, बायहाजार गोसोनि हास्थानाय जिउनि दिड सुगलायनाय। सोमखे दावखा बिदे जोमैनि सेरजों मिनिखैरे मिनि हरो, नुहां-नुवाहां मोब्लिबनि सोराड स्रोब गोमोरफिनो जोमैनि सेराव। दुंखावनाय गोसोजों मंग्लिनाय देहाजों, बाज्रेत-बाश्रेत आगान सुरनानै नायगिरो आं हालाय-हाफाय। सिमब्रे-सिमब्रा बारहुंखाजों खामग्लिनाय अरगेंजों, सोरबा खालामो गोसोनि बोलोखों थलथ'ब गोगलैयो समनि बैथाया। जिरायना थद'नि, हमथाना नेदोनि, खेब-खेब रानखेबनाय थिपिलंसे जिउ, फानजारिआव जोबथेदिनि, मैला गोसोखों सुम्रादिनि।

राजेश बसुमतारी
कारिगाँव गोजौ फरायसालि
कारिगाँव, कक्राझार।

जिउनि फैमाल

सोरबाया रोंग'थि लानानै सोरबाया रोडैखों लानानै गोरान बरजों। सारा मुलुगनि निहोरा रानैयावबो दुखु दाहानि बालाया रानखाव लांबाय। गोजौ जोमैनि हांखाय नायाव खाफालनि रिफिनाया बेनिफ्रायनो दिंग्रायनांबाय। सिमांबायदि जाबाय बे जिउआ गोरान बिलाय बायदि सिबिथिं जाबाय सोरनिबा खाफालाव देरहानायनि अखाफोर गावदां-दां

औवा राइदों थुरिजों

लुनाय बे न'आ जोनि। बेयाव थायो गोजोनै जोबोद गंगोनि; थाइजौ खानथाल गइ बारि बेनो बर'नि गामि। मोजां मोनो गेलेनो आमाइ-जुमाइ थाखोमानायाव; बिब'फबाय थायो बेयाव अराइ खोसेथि। बिबार बारि लारि लारि गुफुर गोजा गोमो गाव-बाइदि सारि सारि; गोसोआव दड मेथाय नों खोनायोब्ला बिखा सुगलाइनाय। मोजां मोनो गेलेनो अखा नायब्लानो, आमाय जुमाइ थाखोमानाय।

मुसि बिष्णु बसुमतारी।
गामि + ला:सो: - दत्तपुर
जिल्ला - चिरां बि टि सि (आसाम)।

दायआ सोरनि

फागुन दाननि रानस्राव गोरान लामानि दावबायारि बबेबा थांखिनि नाथाय सिनाया आं बैसिम सहैनायनि लामाखों मिथिगौ बेखौल' अरायबो मोजां लामाजों थानांगौ। लामानि दुंबुद गोरान बारआ बारगुलुनानै हाइदि सारलांबाय आंनि मेगनाव, आं एसेबो नायनो हायाखिसै खाथि खालानि जिरादखों नुनो मोनारिखिसै। आं जेब्ला आन्दायनानै थाबायबाय थायो, सोरबा सिखिरि मानसिया आंखों बोलांफायो, आंदि बेसेबां गोजोन्नाय मोनदों बेजोंनो सौहैफासिगोन सानानै गोसोआव बायदि मिजिं लानानै। रंजानायजों बेखों सानफ्राडाखै मोनदि आं माबायदि लामाजों थानों। गुमुरखोंनो मोनाखैमोनदि आं सौथु लांबाय थादों, दसे उनाव जेब्ला दैमा बारनो हमो अब्लासो आंनि गोसोआ गिखाडो दैजों मोखां सुम्रायोब्ला गिलु बालु हाग्रामा सिगांथि नुहरो। थाबैनो गिदिफिनो आं सिगांनि लामाथिं, मोनहैफिनगोन आं गोजाम आगानखों। नाथाय बबेआव मोनबावगोन बारग' लानाय समखों? बेनिथाखाय आं आंखोंनो माबोरैहाय दायनिगिरि खालामनो आंनि मोजां गांजिखो बिजिनो गुबुनखों आं मानो हांखायनो?

गब्ला बसुमतारी।
कक्राझार।

सोरनिबा खाफालाव जेन्नाय आरो रोडैनि लैथो हाब्रां सोरंथौ-हरथौ गोदान नखोरंखों नागिरनानै, गोदान जायखलंनि सायायाव गोजोन सुदेम बारजों।

फनि महन इश्लारि
जिल्ला:-कक्राझार,(बि.टि.सि.)

रंजालि गथ'फोरनि सौरा

गुबुननिखौसो

साजायखानाय गाबजों बेरफबनाय सांखा-खिरा गावदांदां फोथा थुनाय समायनासिन नुगारसै आं गुबुननि सैनाय फाग्लासो गोसो-मेगना फसायो गुबुननिखौसो हाय हाय।

बैसोबो जाबाय बयबो बखिबाय सिखलाखों नायोब्ला नुसै उन्दैद्राय फसायनाया हले गुबुननिखौसो हाय बे फाग्लासो नडबाला माथो आंलाय।

जारौ जारौ महर मैखां गोजा फोथा गावदां दां साजायखानाय गुबुननि बेसे मोजां दानिया नुसै साबसिन गुबुननि खेनाखौसो आं।

गलाप खुंगुर बसुमतारी,
कक्राझार।

आंनि जिउनि मिजिं

आंनि जिउनि दोंसे खन्थाइ आंनि गोसो गोबोनिफ्राय गबोनाय आंनि बे खन्थाइ। नोंखों नेनानै दं आं आदा नाथाय मानो नुवा आं नोंखों नायनो लुबैब्लाबो। मोजां मोनो आं नोंखों गोसो मोदोम जिउ होनानै सानबाय थायो आं मिजिं नोंजों आंजों लोगो हमनानै सानैजों दैसा सेराव रायज्जालयो नाथाय मानो फैया नों। एसेबां गोदै राव राज्जालयानै सानब्लाबो मानो फैया? दिने फैगोन गाबोन फैगोन सानानै नेगासिनो आं हांमा सुरहाव सुरहाव। गोसोनि सानायखों फोरमायनो हांमा थाबाय। आंनि गोसो गोरबोआ बायपले लांबाय बेसेबा रुगुम गैयै लैथोआव आंनि जीउनि मिजिं। नेबाय थागोन आं र'जे नोंनि डिड जावबोनायखों आंनि जिउनि मिजिं।

थरायना सलरा नार्जारी।
बर'बाजार गोजौ फराइसालि।
जिल्ला - चिरां

आंनि सिनायथि

आं होनो सानदों आंनि सिनायथि सानन्सियारी बड'सानि हेफाजाबै। फरायो आं मोनफ्रोमबो सप्ताहनि बर'नि आंगो बड'सा खौरां। नड आं सोरबा द्रामाटिक, महरगिरि, खन्थाइगिरि, सल'मागिरि आं सासे बर' सेंग्रा फरायग्रा सोलोंग्रा। सा ककराझार अलंबार हाइस्कूलनि आदुवासिन फरायसा अलसियाबो। जानाय लौनाय उन्दुनाय बेनो जादों आंनि रुटिन। सेंग्रा-सिखलानि लावनि सल' बिजाब दैलि फरायनाया आंनि स्टदि। आं सोबा बिरि सिगारेट, आं जाया सादा गय फाथे, आं लोड साहा नाथाय ... आंडे जौनि रोसिखौसो लोडे। सावरि -बादलि, फुजा-फोबों, हाबाथिलि, गोदान बेफोर आरो बैसागु बेफोर आंनि बावनो हायै दिनसै। फैगौ आनजातनि दानआ जाथारनोसै जोबथा आनजादआ जादोंबो जायाखैबो आं मिथिला रिजाल्टआ हले जागोन फारसै-फास। नाथाय फैगोन काल-मासि रानखबबाय आंनि सेहेराया। जानो हागौ बांदाइ देलायनायखाय गोसोआव लानायखाय केमेरा मेगनआव लानायखाय दुरबिन, बेफोरनो जाथायसे ज'थायनानै, खस्टयै होनाय गुबै सिनायथि।

मुसि एस. आनलाखि बहम।
अलंबार गोजौ फरायसालि।
जिल्ला - कक्राझार

बे सुबुं मुलुगाव

बे सुबुं मुलुगाव मोजां मावना नोंनि जिउ बिथुनखों आगान दोनलां

नों बायगर मावनानै नोंनि मुंखों सुबुं गायामाव रायखां जानो नाड

नों जुदि सुबुंनि गायामानि मोजां मावो सानसे गोसो खांगोन

नों जुदि सुबुंनि गायामानि मोजां मावो बिजाब रनसाय जायो

नों जुदि बिजाबबो रनसाय जायो नोंनि बिजाब नख'र नख'र थागोन

नों जुदि बयनिबो खुगा खुगा गोसो खांजाबा बोर मोननाय जायो

- रैदोम बर', बाक्सा

रमान्टिक लाभ

सानदोंमोन आं रमान्टिक लाभ नाथाय जानांबाय अनजालि फानदाय सुलनि फान्दायनायाव आस'खान्दा जिउनि गोथौ लैथोआव गब'बाय। सानस्रिफोरा गोजाव लांबाय लैथोनि गोजौ-गाहाय गुथालाव हास्थायनायफोरा गोदोलांबाय गोसोआव रिफिबाय र'जेनि हायना। सहायनो हालिया बोदोर गोसोआ। फागुननि सिउ सिउ बारआव गोजाव लांबाय गावसाबाय बिखाया आसारनि सोगोमनायाव देहायाव गैलिया थाजिम सान्नाय जिउनि लोगोरि सिमांनि रानिआ खालामलांबाय फोथायखेबस' खामग्लिबाय गोरबोआव जुजायनि अर सानाखैमोन सनानि देरायाव नुस'हायै बालाबारि रमान्टिक लाभआव जानांबाय आं हालाय-हाफाय।

पुस्य' बसुमतारी।
ला:सो: - सालबारी पलासगुरी।
जिल्ला - बागसा

हसियार

हसियारलै बाहायफोर रोदि जयै मेलेरिया बेरामा जाखोंफिनब्ला जाल्ला जालायगोन ओरेनोबा-जिमिलिनि आउवासआ हागुं फैसालिनि सोलेराव आइखां-बाइखां खालामलांबाय, हेडलिनि हगारनाय रोजा गुलियाव दालाइ गोराननि हुदुआ खारखाउ-खारसि जालांबाय फागुननि जावलिया बारा लाइमोननि गोबोंआव रमान्सनि अर सुखलांबाय दुखुथिया बर'सानि थिलियाव जाखिसै एसिड अखा हालांबाय दा बै बुब्लिया आनज्रायथ'बाय

दैथुन गयारी।

इजराइलआ राफा सिमनायाव दखल खालामनायखौ एंगारनो नेवसिगारदों

जेरुशालेम, 23 जानुवारि: इजराइल आरो हमासनि गेजेराव दावहा दोन्थ 'नायनि गिबि खोलोबनि समाव मिसर आरो गाजा पट्टीनि गेजेराव थानाय राफा सिमनायाव इजराइलआ गावसोरनि दखल खालामनायखौ लाखिलांगोन होन्ना रेखा खालामदों। गाहाइ मन्थि बेन्जामिन नेतान्याहुनि मावख'आ फिलिस्ताइन अथ 'रिटिआ बे क्रसिंखौ कन्ट्रल खालामगोन होन्नाय खौरंखौ नेवसिगारदों। गाहाइ मन्थि मावख'आ बुंदोदि, जायगानि फिलिस्ताइनआ हमासजों जेबो सोमोन्दो गैया आरो बिसोरखौ इजराइल सान्थिफोरा नायबिजिरदोंमोन आरो बिसोरनो क्रसिंनि पासपर्टआव स्टाम्प लागायगोन। हारिमायारि रादाइफोरनि गेजेरजों बे स्टाम्पआ मोनसेल'रहा, जायखौ गाजाणि थागिबिफोरा गुबुन हादरफोराव हाबनो थाखाय गाजा पट्टीखौ नागारनो हागौ। गनायनानै लानाय बादिब्ला, दावहा दोन्थ 'नाया गाजायाव 6



सप्ताहनि थाखाय गोजोन लाबोगोन आरो इजराइलनि गेजेरजों जोबथेना लाखिजानाय रोजा-रोजा फिलिस्ताइनफोरखौ सोलायनायाव हमासनि गेजेरजों जोबथेना लाखिजानाय सा 33 सुबुंफोरखौ हगारनाय जागोन। बेनि उनाव इजराइलआबो गसै सुबुंफोर आरो मुवा-बेसाद रोगानायखौ गनायथि होगोन। इजराइलआ थानाय बोसोरनि मे दानआव राफा क्रसिंनि गाजा बाहागोखौ बेंखनानै लादोंमोन, जायजों बेखौ बन्द खालामनाडे। बेनि गेजेरजों आधिखालाव फिलिस्ताइनआ गाजाखौ कन्ट्रल खालामनांगौ होन्ना मिश्रआ दाबि दैखांदों। मख 'नो गोनोदि, इजराइल आरो

हमासनि गेजेराव दावहा दोन्थ 'नायनि थामथि सानआव गाजाआव रेहायनि मुवा-बेसाद लानाय गं 900 ट्राकफोर हाबो। बेयाव जेबो रोखोमनि लुथिनाय जाथाय नुजाथियाखै होन्नाइ इउएननि बिबानगिरिआ बुंदों। बेजों लान्थियै सानथामनि गेजेराव गं 2400 ट्राकआ बेयाव हाबहैखांबाय। बेराफासै थानाय मंगलबारआव इजराइलनि सान्थिफोरा वेस्ट बेंकनि सायाव गागलोबो बेयाव सा 9 फिलिस्ताइनफोरनि जिउ गोमायो। इजराइलनि गाहाइ मन्थि नेतन्याहुआ बेखौ इराननि मददगिरि उतखारिफोरनि हेंथायै गोदान गागलोबनाय होन्ना नै फोरमायो।

लस एन्जेल्सनि हाग्राआव गिखंथाव अर खामनायनि जाहोनाव 50 रोजा सुबुंफोरा न' गारनानै खारनो गोनां जादों

केलिफर्निया, 23 जानुवारि: लस एन्जेल्सनि साहानि हाग्राफोराव नानाय अरनि गोखैयै गोसारनायनि उनाव बुधबारखालि 50,000 निखुइ बांसिन सुबुंफोरखौ दिहुनायनि बिथोन आरो सांग्रांथि होयो। बेनि गेजेरजों खोला के लिफर्नियाआव गोखैयै गोसारनाय बारनि जाहोनाव सिगांनिफ्राय नानाय अरखौ दासिमबो लुखोमोरगासिनो दड, जायखौ लुखोमोरनाया गोब्राब जाना फैदों। 'ह्युजेस फायर' मुंनि अरआ फुंनि समाव जोंखाडे आरो माखासे घन्टाफोरनि गेजेरावगं 39 बर्ग किल 'मिटारनिखुइ बांसिन बिफां आरो हाग्राफोरा खामो, जायजों कार्स्टिक बिलोनि खाथियाव गोसोम उखुन्दै ओंखारो। बे बिलोनि खाथि-खालायाव थामथि सप्ताहयावनो अरआ जोंगासिनो दड। एलए काउन्टि शेरिफ रबार्ट लुनाआ फोरमायनाय बायदिब्ला, गसै 31,000 निखुइ बांसिन सुबुंफोरखौ न' नागारनो बिथोन



होयो आरो गुबुन सा 23,000 सुबुंफोरनि न'फोरखौ खालि खालामनो सांग्रांथि होयो। एलए काउन्टिनि फायर चीफे एथनी मारनआ बुडोदि, बे अरखौ सामलायनो हानांगौआ गोब्राब।

नाथाय अर लुखोमोरगा मावसुमाफोरा आबुडै नाजागासिनो दड। बेराफासे इन्टरस्टेट 5 नि बन्द' खालामनाय बाहागोखौ थाबैनो खुलिना होफिनाय जासिगोन।

सा-खोलानि गाहाइ लामा, इन्टरस्टेट 5 नि 48 किल 'मिटार' गोलाव बाहागोखौ बन्द' खालामना होनाय जायो, मानोना अरआ हाजोफोरनि हाजो थिखिनिफोरजों जानानै

हायेनफोरावबो थांगासिनो दडमोन। उरां जाहाजआव थानाय मावसुमाफोरा बारजों गोखैयै गोसारनाय अरखौ इन्टरस्टेटजों जानानै कार्स्टिक फारसे आवगायनायखौ होबथानो नाजायो। खोला बाहागो लस एन्जेल्सनि बिबानगिरिफोरा अखा हाहोरो थाखाय थियारि खालामनायखौ जागायो आरो माखासे थागिबिफोरखौ खावखानाय पेसिफिक पेलिसेडस आरो अल्टाडेना ओन्सोलाव थांफिनो गनायथि होयो। माहारियारि बोथोर सिबिथायनि बायदिब्ला, बृहस्पतिवारसिम गोखै बार बारनो हागौ आरो शनिवारनिफ्राय अखा हानो हागौ।

बांलादेशआव बि.एन.पि. मावथिफोरनि गोग्लोबनायाव सा 22 सुबुंफोर जोखोम जादों

गोदान दिल्ली, 23 जानुवारि: बांलादेशनि सतखिरा जिल्लायाव धारा 144 जाबसिन्नायनि उनावबो, बुधबाराव बांलादेश नेशनलिस्ट पार्टी (बिएनपि) नि मोन्ने हान्जानि गेजेराव जानाय दाडबाजियाव पुलिस मावख'गिरि आरो रैखाथि मावथिफोरजों लोगोसे खमैबो सा 22 सुबुंफोरा जोखोम जायो। ढाका टिब्युनि बायदिब्ला, श्यामनगर सहरनि इस्माइलपुर ओन्सोलाव मोन्ने हान्जानि गेजेराव जेंनाया बांनानयनि उनाव बे दाडबाजिआ जायो। गोदानै दाजानाय श्यामनगर बि.एन.पि. आफादनि दैदेनगिरिफोरजों खुंजानाय मोनसे हान्जा सुरनायनि उनाव बे दाड-बाजिआ जादोंमोन। बबेखानि, ढाका टिब्युनि मोनसे रिपर्टनि बायदिब्ला, बि.एन.पि.नि बारग' गाहाइ नेहाथारि सलेमान कबीरनि दैदेनायाव मोनसे हान्जा सुरनाया श्यामनगर सहर फारसे थांगासिनो दंमोन, जायनि फिथाय महरै मोन्नेबो हान्जानि गेजेराव दाडबाजि जायो। हिंसा नि समाव सा 22 सुबुंफोरा जोखोम जायो। जोखोम



जानायफोरनि गेजेराव श्याम नगर पुलिस थानानि बिबानगिरि हुमायुं कबीर, रैखाथि मावथि सैफुल इस्लाम आरो गोबां बि.एन.पि. मावथिफोरदं। सलेमान कबीरआ दाबि खालामदोंमोनदि,

बिथानि मदतगिरिफोरखौ 19 आरो 20 जानुवारियाव गागलोबनाय जादोंमोन, जायनि जाहोनाव बिथामोनहा मोनसे हेंथा हान्जा सुरनाय हाबाफारि लादोंमोन। बिथाड आवामी लीगनि

मावथिफोरजों लोगोसे सिफायनाय आफादनि दैदेनगिरिफोरनि सायाव बिथानि हान्जाखौ गागलोबनायनि दाय होदोंमोन, जायनि फिथाय महरै गोबां जोखोम जादों।

जौ फेनानै सालायबोनाय स्कुटारजों सौग्राव फेनायाव सासे सुबुंनि जिउ ख'हा जादों



गुवाहाटी, 23 जानुवारि : कामरुपनि साहा गुवाहाटीनि अमिनगावआव नेशनेल ल' इउनि भासिंनिटिनि खाथियाव बुधबारखालि मोनायाव गंसे सुइफ्ट डिजायारखौ निसा लॉनानै सालायना गंसे स्कुटारजों सौग्रावनायाव सासे आइजोनि जिउआ गोमायो आरो सानै गुबुन सुबुंफोरा गोब्राब जोखोम जायो। जिउ गोमानाय

सुबुंफोरखौ कामरुप जिल्लानि पचारिआ मुंनि जायगानि थागिबि लिमा दास (35) मुडै सिनायथिनाय जायो। बबेखानि गंसे जोबोद गोखैथियै फैबाय थानाय सुइफ्ट डिजायार (एस 01डिजि 9764) आ स्कुटार सालायबोबाय थानाय दिगथिजायनो फेनानै स्कुटार (एस 01 इए 0387) खौ सौग्रावफेयो। बे सौग्रावनाया

लिमा दासनि थाखाय जोबोद दुखु नंथाव आरो गिथावनामोन, जायनि जाहोनाव सानै सुबुं सुबुंफोर, पप्पु बनिनाय आरो धर्मेन्द्र महन्तआ गोब्राब जोखोम जायो। पुलिसआ जाथाय जानायनि दसे उनावनो जायगायाव सौहै ना। गोथै सह'खौ बोखाडे आरो जोखोम जानायफोरखौ थाबैनो फाहामथाइनि थाखाय गुवाहाटी मेडिके ल कलेज देहा फाहामसालियाव लाडे। सुलुंनि बायदिब्ला, सुइफ्ट डिजायारनि सालायग्राया जोबोद जौ फेनायमोन, जायखौ जाब्रबथाइनि जाहोन होन्ना नै मानिना लानाय जादों। जाथायनि फारसे नायबिजिरनाया आधिखालाव सोलिगासिनो दं।

सा महाराष्ट्रनि जलगाव रेल जाब्रबथाइयाव सा 13 जिउ गोमाबाय

मुम्बाइ, 23 जानुवारि : सा महाराष्ट्रनि जलगावआव जानाय ट्रेन जाब्रबथायाव थैनायफोरनि अन्जिमाया सा 13 जाबाय आरो बांनो हागौ होन्ना हमादनाय जादों। थैनायफोरनि गेजेराव सा 4 खौ नेपालनि नोगोरारि होन्ना सिनायथिनो हादों। बोखानो मोनाय सा 13 गोथे सह'फोरनि सा 8 खौ सिनायथिनो हानाय जाबाय। बिसोरनि गेजेराव सानैखौ बिसोरनि आधार कार्डजों सिनायथिनो हानाय जादों। मख 'जाथावदि, बेनि सिगां मुम्बाइ फारसे थानाय पुष्पक एक्सप्रेसआव चैन बोना होनाय जाथाइनि उनाव ट्रेनिफ्राय ओं खारनाय माखासे दावबायारिफोरा गारबोबाय थानाय कर्नाटक एक्सप्रेसनि बेंखनआव गोग्लैदोंमोन। सेन्ट्रल सर्किटनि रेलवे रैखाथि कमिसनारआ जलगावनि रेल जाब्रबथाइनि जाहोनखौ



नायबिजिरगोन। अदेबानि रेलवे बिबानगिरिफोरा फोरमायदोंदि, गंनैबो ट्रेनि लक'-पायलटफोरा प्रटकलखौ मानिदोंमोन आरो जाब्रबथाइखौ होबथानो गोखौ नाजादोंमोन। गेजेररेलवेनि सासे गागि बिबानगिरिया फोरमायदोंदि, जेब्ला पुष्पक एक्सप्रेसआ मुम्बाइनिफ्राय 400 कि:मि: गोजानआव पचरानि साखाथि माहेजी आरो परघाडे स्टेशननि गेजेराव

लाखिथ 'दोंमोन अब्ला लक' पायलटआ नेम-खाथि बायदिये फ्लेशार लाइटरखौ स्टार्ट खालामदोंमोन। कर्नाटक एक्सप्रेसनि लक'-पायलटआ पुष्पक एक्सप्रेसनि फ्लेशार लाइटरखौ सिगनेल होनायखौ नुगानै ब्रेक गादोंमोन। अदेबानि ट्रेक आ टांनि जानायनि जाहोनाव कर्नाटक एक्सप्रेसनि भिजिभिलिटिआव गोहोम गोग्लैदों। मख 'जाथावदि, बै

जाब्रबथाया बुधबाराव बै समाव जायो जेब्ला पुष्पक एक्सप्रेसआव अर नादों होन्ना नंखाय खौरां गोसारनायनि उनाव दावबायारिफोरा गिनानै हाखु-दाखु खालामना साखाथिनि रेल लाइनआव बाब्रुमदों। बे समावनो माखासे सुबुंफोरा बेंगालूर-दिल्ली थानाय कर्नाटक ट्रेनि बेंखनआव गोग्लैना जिउ गोमायो।

डनाल्ड ट्राम्पआ मेक्सिक' सिमनायाव उफ्रा सान्थि थिसन्नो बिथोन होदों

वाशिंग्टन, 23 जानुवारि: आमेरिकानि हादरगिरि डनाल्ड ट्राम्पआ मेक्सिक' सिमनायाव सा 1500 उफ्रा सान्थिफोर दैथायहरनायनि थांखि लादों। ट्राम्पआ बे थांखिखौ सिमनायाव आइन बेरेखायै हाबफैनायखौ होबथानो थाखाय आजावदों। ट्राम्पआ सिमना रैखाथिखौ गावनि गाहाइ नोजोर होदों। बिथाड गावनि हाबाफारिनि गिबि सानआव मेक्सिक'जों लोगोसे आमेरिकान सिमनायाव माहारियारि इमारजेन्सि



फोसावदोंमोन। उफ्रा सान्थिफोर फेयोब्ला मेक्सिक' बर्डरआव थिसननाय सांग्राडे डिडिटि होनाय सान्थिफोरनि अन्जिमाआ गसै 4000 जागोन। प्रेस

सेक्रेटारि केरलिन लेविटआ हवाइट हाइसआव फोरमायदोंदि, हादरगिरि ट्राम्पआ आमेरिकानि खोला सिमनायाव सा 1500 उफ्रा सान्थिफोरनि थाखाय

मोनसे हाबाफारि बिथोनआव मुंसाइ होदों। सासे गागि आमेरिकान सान्थि बिबानगिरिआ पेन्टागनआव खौरांगिरिफोरनो फोरमायदोंदि, उफ्रा सान्थिफोरनि गेजेराव सा 1,000 सान्थिनि जनाव आरो 500 मरिन दंफायो। बे मरिनआ

केलिफर्नियाआव नानाय हाग्रानि अरखौ खोमोरनो थाखाय लिंहरदोंमोन, नाथाय बै समाव सांग्रां नडामोन। बिसोरखौ आधिखालाव बर्डरआव दैथायहरनाय जादों। बिसोरनि अपारेसनआ 48 घन्टानि गेजेरावो जागायगोन।

जिअयाबो भइस आरो एसएमएस प्रिपेड प्लान लाबोदों

गोदान दिल्ली, 23 जानुवारि: रिलाइन्स जिअआ टेलिकम रेगुलेटि अट्रिडि अफ इन्डियानि बिथोन बादियै भइस आरो

एसएमएस अनली प्रिपेड प्लान लन्च खालामदों। कम्पनीआ बे प्लानखौ एरैबादि इउजारनि थाखाय लानानै फैदों,



जायफोरहा डाटानि गोनांथि जाया। बावैसो सिगां ट्राइआ गसैबो टेलिकम कम्पनीफोरनो बेबादि प्लान लन्च खालामनायनि बिथोन होदोंमोन। एयारटेलआ सिगाडवनो बेबादि प्लान लन्च खालामखांबाय। जिअनि एन्ट्रि-

लेबेल भइस आरो एसएमएस अनली प्लानआ 458 रनिफ्राय जागायो। बे प्लानआव आनलिमिटेड भइस कल आरो 1,000 एसएमएस दंफायो, जायनि भेलिडिटिआ 84 सान। बेनि अनगायै बेयाव जिअ एप्स बायदि जिअ टिभि, जिअ

सिनेमा आरो क्लाइडनि एक्सेस मोनो। मख 'जाथावदि, बे प्लाननि बेसेनआ 479 रंमोन। बेयाव आनलिमिटेड भइस, 6 जिबि डाटा आरो 84 साननि 1000 एसएमएस दंफायोमोन बेनि बेसेनआ 21 रं दावख्लायबाय। जिअनि बोसोरि एनुएल भइस आरो एसएमएस अनली प्लाननि बेसेनआ 1958 रं। बेयाव 365 साननि भेलिडिटि, आनलिमिटेड भइस कल आरो 3600 एसएमएस मोनो। लोगोसेनो बेयाव जिअ एप्स, जैरे जिअ टिभि, जिअ सिनेमा आरो जिअ क्लाइडनिबो मुलाम्फा मोनगोन।

आमेरिकानि खोला बाहागोआव गोखों बरफ गोग्लैनानै गासिनो दड

आटलान्टा, 23 जानुवारि: आमेरिकानि खोला बाहागोयाव थानाय मंगलबारनिफ्राय लान्थियै बरफ गोग्लैनायजों लोगोसे 1,500 माइलनिखुइ बांसिन जान्थायसिम बरफनि बारहुंखा बारनो हमादों। जाउनाव लैथो बोरिमानि थाखाय गिबि खेब बरफनि बारहुंखा बारनायनि सांग्रांथि फोसावो। जानुवारि दानआव फेनाय मोनसे जारिमिनारि बारहुंखाआ बुधबारखालि आमेरिकानि लैथो बोरिमाआव गोबां बरफ गोग्लैयो, बेनि जाहोनाव थानाय अरलिनेसआ बरफजों खोबफब जायो आरो फ्लरिडानि जेनहेन्डलनि



माखासे बाहागोफोराव शिकाग'नि बायदि बरफ जमा जायो।

माहारियारि बोथोर सिबिथाया फोरमायोदि, बुधबारखालि बारहुंखानि गोहोमजों सा फ्लरिडा, खोला जर्जिया आरो खोला-सान्जा, खोला केरलना राइज्योनि माखासे जायागोफोराव 4 इन्च बरफ जमा जादों आरो बरफनि अखाबो हादों। फ्लरिडानि पेन्साकलानि खाथि सोनाब पेनहेन्डल सहर मिल्टनआव 9 इन्च बरफ गोग्लैनायजों सिगांनि रेकडखौ सिमफायदों। बे राइज्योआव बरफ बोखारया मेसिनफोरबो गैया। मख 'नो गोनांदि- 1960 नि उननिफ्राय बेसहराव बयनिखुइ बांसिन बरफ गोग्लैदोंमोन।

दावगादो बर' हारि

दावगादो बर' हारि, गासिबो खौसेयै फारि फारि । उन्दुनानै थायोब्ला जानाय नड, समा जौखौ नेबाय थानाय नड । दानो मावाबोला बर' हारि, गासिबो जोबलांगोन फारि फारि । सम थानायावनो फोजायाब्ला, हारि बोखानो हायाब्ला जेब्लाबो उन थागोन, अरायबो गादब जागोन । मालाय हारिया जौगालानोसे, बर' हारिया गोदोलानोसे । गावनि हारिखौ दैखानोब्ला गावनि हारिखौ जौगा खालामनोब्ला नाजानांगोन खौसेयै बर' हारि, ओंखारबोनांगोन खौसेयै फारि फारि ।

भाबायन दैमारी
गरेस्वर
जिल्ला:-बागसा

(1 बिलाइनिफ्राय)

मुसलपुरआव 9 मार्चआव गण सुरक्षा पार्टीनि मिरु जथुम्मा खुंनो साखा-फारा

फारा जागासिनो दं । दिने मुसलपुर प्रेस क्लबआव मोनसे खौरागिरि मेलनि गेजेरजों दोलोन गायसनगिरि आफादगिरि आरो कक्राझार लकसभा बियाबनि बारग' एम. पि. नब कुमार सरनियाआ फोरमायदौदि, बिटिसि काउन्सिलनि एम सि एल ए घनश्याम दासखौ आफादगिरि आरो नब कुमार दासखौ सानसेनि जथुम्मायाव नेहाथारि महैरै सायख'नानै मोनसे गोखौ बरायनाय आफाद दानाय जाखाबाय । गुबुन गुबुन हारियारि हान्जाफोरखौ लाफानानै दोलोखौ गोखौ खालामनो नाजानाय 20 रोजा निबो बांसिन सुबुंफोरनि बाहागो लानायजों खुंजानो गोनां बे जथुम्मायाव पार्टीनि राइज्यो जम्मु-काश्मीर, मध्य प्रदेश, महाराष्ट्र, झारखान्ड, बिहार, उत्तर प्रदेश, अरुणाचल प्रदेश बायदिनि थान्देफोराबो बाहागो लागोन । बेराफारसेथिं, बारग' एमपिआ बुंवावोदि, दोलोआ बे जथुम्मायाव फैबाय थानाय बिटिसि बिसायख'थि आरो बिधान सभा बिसायख'थिनि थाखाय सोलो बानायगोन । बिथाड बेखौबो बुंदौदि, फैबाय थानाय बिटिसि काउन्सिल बिसायख'थियाव बिपिएफजों गोरोबथाया फ्राय रोखा आरो जुदि गोरोबथा जायोब्ला बिपिएफ-जिएएसपिआ 32 निफ्राय 35 सो मासि मोनगोन होन्नानै दाबि खालामो । दिनेनि बे खौरां मेलआव गण सुरक्षा पार्टी आरो बिटिसि काउन्सिलनि लेडइ आफादगिरि घनश्याम दास, बाक्सा जिल्ला गण सुरक्षा पार्टीनि नेहाथारि अनन्त डेका आरो गोबां दैदेनगिरि आरो मावथिफोरा बाहागो लादोंमोन ।

कक्राझारआव बर' हारिनि गेदेमा रुंसारि रुपनाथ ब्रह्मनि थैनाय सान फालिदों

रुपनाथ ब्रह्मखौ जों बर' नि गेजेराव गिबिसिन बि.ए. उश्रिनाय, गिबिसिन एल एल बि, गिबिसिन मन्थि आरो गोबां बायदि बिथाडवोनो बर' नि गेजेराव गिबि एवा सिगांसिन बिदिन्थिजों लोगोसे बर' थुनलाइगिरि महैरैबो मिबथिनो मोनबोदों । दिने रुपनाथ ब्रह्मनि रुंसारि सानजों लोब्बा लाखिनानै बर' हारि आरो समाजआव होलांनय बिथानि बायदि बिहोमाखौ गोसोखानानै रुपनाथ ब्रह्म गोसोखां फालिग्रा आफाद आरो कक्राझार गुदि बर' थुनलाइ आफादनि जुथायै बान्जायनायाव कक्राझार सहरनि बिखायाव थानाय प्रगति भवनआव मोनसे जर'खा हाबाफारिनि गेजेरजों बिथानि मुसुखायाव बिबार बाउनाय हाबाफारि लायो । हाबाफारि बायदिदियै रुंसारि रुपनाथ ब्रह्मनि मुसुखायाव बिबार बाउजेनो रुपनाथ ब्रह्मनि बियायं सनजिब ब्रह्मआ । दिनेनि बे रुंसारि सान फालिनाय हाबाफारियावनो रुपनाथ ब्रह्मनि नख'रनि सोद्रोमाफोरजों लोगोसे कक्राझारनि गोबां सांलौथाइगिरि, सानसुमैगिरिफोरा बाहागो लानानै बिबारजों मान बाउनायखौ नुनो मोनो ।

कक्राझार बिगियान फरायसालिमानि बाय 'टेक हाबआव बिगियानगिरिफोरनि हान्जाया नायसफैदों

एस एन मुर्ति, मिज 'राम मिरु मुलुगसोलोंसालिनि हर्टिकाल्सार बिफाननि बिबुंगिरि त्रिदिप कुमार हाज 'रिका आरो सानै बिगियानगिरि ७ सुरक्षा एस दिवान आरो ७ जगेन्द्र प्रकाशमोनहा दंमोन । कक्राझार बिगियान फरायसालिमानि बाय 'टेक हाबनि क-अर्डिनेटर आरो लोगो बिबुंगिरि ७ महेश गगैआ सामलायनाय हाबाफारियाव आलासि बिगियानगिरिफोरनो गांफायै आर'नाइ, गामसा आरो बिजाबनि थफलाजों बराय मान बाउवो । बे हाबाफारियाव कक्राझार बिगियान फरायसालिमानि लेडइ गोरायुं ७ शर्मिष्ठा चक्रवर्ति, बाय 'टेक हाबनि लोगो क-अर्डिनेटर परेनी जेन समपुर्ना, राजिब बर्मन, मुंसाइ गोर नाज्जि, मिनिसोरं बरायारि, हायेन मुसाहारि आरो अमृत तौतिमोनहा बाहागो लाफेदोंमोन ।

गामिआरि सुबुं समाजखौ जौगाहोनो थाखाय गसाइगावआव पि.एम.बि.जे.के बेखेवदों

आलासि महैरै बाहागो लानानै गसाइगाव समाबाइ मावखुलियाव मोनसे हाबाफारि खुंनयनि गेजेरजों प्रधान मन्थि भारतीय जन औसदि केन्द्रखौ बेखेवनानै होयो । दिनेनि बेखेवनाय हाबाफारिनि बाहागो महैरै मोन 10 प्राइमरि एग्रिकाल्चारेल क्रेडिट ससाइडिफोरनो जेक्स मेसिनफोर रन्तानै होनाय जायो । बे पि.एम.बि.जे.के खौ बेखेवनयनि थांखिया जाबाय गामिआरि समाजनि सुबुंफोरनो सरकारि आरो सरकारि नडे अनलाइन सिबिथाइफोरखौ बांहोनाय आरो फेहेरनायनि थाखाय पि.ए.सि.एसफोरखौ कमन सार्थिस सेन्टार महैरै गोहो गोर खालामनाय । दिनेनि बे हाबाफारियाव बाहागो लानानै कक्राझार जिल्ला बेंगिरि पार्तिनआ साफ्रोमबो बाहागो लागिरिफोरनिसिम साबायख'र जासिनानै फैबाय थानाय समाव बे बिथांखिनि सिडव बिबान मोन्नाय साफ्रोमबो बिबानगिरिफोरखौ थांखिनानै गामिआरि समाजनि सुबुंफोरनो जायखि-जाया सरकारि आरो सरकारि नडे अनलाइन सिबिथाइफोरनि खामानिखौ गोरलैयै मावफुंनानै होनो खावलायो । बिथाड पि.एम.के.एस.के, बि.बि.एस.एस.एल, पेट्रुल पाम्प डिलासिफ, किशान क्रेडिट कार्ड सिबिथाइ आरो कमन सार्थिस सेन्टारनि खामानिफोरखौ गोरलै खालामनानै होनो थाखाय मिरु आरो राइज्यो सरकारआ बे हाबाफारि जागानायखौ फोरमायनानै होयो । सि.एड.सिडि क-अपारेसन जयन्त खेरखातारिआबो पि.ए.सि.एसखौ माल्टि पार्फस ससाइडिआव सोलायनायनि गोनांथि आरो शहकार से समुद्दिनि सिडव भारत सरकारनि हेफाजाब होनायनि हाबाफारिफोरखौ फोरमायनानै होयो । मख'नाय जायोदि, प्रधान मन्थि भारतीय जन औसदि परियजननि सिडव गायसनजानाय पि.एम.बि.जे.केनि थांखिया जर'खायै गामिआरि सुबुंफोरनो बाडइ बेसेनआव गुन गोनां जेनेरिक सिबिथाइ होनाय । लोगोसे पि.ए.सि.एसनि गेजेरजों सालायजानाय बे मिरुफोरा सावस्त्रि जोथोननि खरसखौ बाडइ खालामनाय आरो गोनांथार मुलिफोरखौ थि समाव मोनहोनायखौ रोखा खालामनायनि सायावबो गोनांथार बिफाव लागोन । दिनेनि बे हाबाफारियाव बिटिसिनि मावफुं सोद्रोमा उड्लसन हास्डा, बिटिसि क-अपारेटिभनि जइन्ट सेक्रेटारि पामी ब्रह्म, गसाइगावनि एसडिअ मृदुल सिबाहारे, सि.एड.सिडि क-अपारेसन जयन्त खेरखातारिआबो बाहागो लादोंमोन ।

रुजेआ आंनिमोव

नै आदा मोजां मोन्दोंमोन आं नोंखौ, नाथाय नों आंखौ नेवसि लांबाय आंनि गोसो सोलेरखौ बोखेब होबाय मा खालामबावनो मा बुंवावनो नोंनि गोसोआदि फोथाय खेबस' हमदां मोनाखैसै आं नोंनि गोसोखौ मिथिस' मोनाखैमोन आं, नोंदि बिदि खालामगोन ? नाथाय मा गोसो जाना नेवसिलांखो नों रुजे गोरबो बिखा सिनिफ्राइ रुजे नाथाय आंनि सोलेर मोदोमा बेसेबांवा, नों रुजेआ थस' बिलाइनि दै बायदि आंखौ नेवसिगार लांबाय । फागुननि बारा देखो बोना खालामबाय आंनि दुंहाव गोसोखौ बोदोर-बावलि । जायो आं गोदाव-सोराव बारहुंखा सारअन्थाइ, बुखुब लांबाय, जौनि मोजां मोनलायनायखौ..... सान्दोंमोन आं नोंजों जुलि जानानै गंसे गोजों देरा लुनो नाथाय दिने रुजेआ आंखौ नेवसि लांबाय ।

थरायना चन्दना बर
जालाह
जिल्ला:-बागसा

(1 बिलाइनिफ्राय)

जिल्ला खुंथायनि बान्जायनायाव तामुलपुर जिल्लानि गायसन्थाय सान फालिदों

अडिअनि गेजेरजों हामलायथि बाउहरदों । मेलाव बाहागो लाफैनाय तामुलपुर बिधान सभा बियाबनि एमएलए जलेन दैमारीआ गोदान जिल्लानि सोमोन्दै माखासे मोन्दाथिखौ मख'नानै फैगो बोसोराव जों जौनि जिल्ला गायसन्थाय सानखौ बेबादिनो मेल जथुमसालियाव खुडलासेनो उदां फोथाराव गोसो बोनो हानाय हाबाफारिजों खुंनो । बेनि थाखाय आंनिफ्राय आं 1 लाख रं गथायगोन होन्ना बिथाड बुडे । मेलाव बिटिआरनि मावफुं सोद्रोमा धर्म नारायण दासआ जिल्ला दानायनि अनगायैबो हा-हु जेनानि सोमोन्दैबो बिबुंथि लाखिदों । बिटिआरनि सायख'जानाय एमसिएलए हेमन्त कुमार राभाआबो गावनि बिबुंथियाव जिल्ला दानाय, ड्रग्सनि गिखंथाव, फरायसालियाव फोरोंगिरिनि नुजाथिफेनाय बायदिनि सोमोन्दै बिबुंथि लाखियो । फारसेथिं नुजाथिफेनाय बिबानगिरिफोरनि गेजेराव आखाइ इसान, जि-जोम आरिमु बिफाननि लोगो बिथोनगिरि हिस्न देबीआबो गावनि मोन्दाथिफोरखौ बिबुंथि लाखिदों । दिनेनि मेलावनो एनआरएलआ गथायनाय गंधाम दाखोर-दाला रोगाग्रा भेनखौ तामुलपुर नोगोर आफाद आरो गरेस्वर नोगोर आफादनि बिबानगिरिनो गथायना होयो । लेडइ जिल्ला बेंगिरि लक्ष्मि दत्तआ सामलायनाय दिनेनि मेलाव जायगानि एमएलए जलेन दैमारी, जिल्ला बेंगिरि पंकज चक्रवर्ति, पुलिस बिबानगिरि (एसपि) दिगन्त कुमार चौधुरी, बिटिआरनि मावफुं सोद्रोमा धर्मनारायण दास, एमसिएलए हेमन्त कुमार राभा, लेडइ जिल्ला बेंगिरि आरो लोगो जिल्ला बेंगिरिफोर, नोगोर आफादनि बिबानगिरि आरो गुबुन गुबुन बिफाननि बिबानगिरि-मावफारियाफोरबो बाहागो लाफेदोंमोन । मख'नो गोनांदि, तामुलपुर जिल्ला गायसन्नाय सानखौ लोब्बा लानानै दिने फरायसाफोरखौ लानानै आर्मि केम्प दावबायनाय, सरकारि मावखुलिफोराव साखोन-सिखोन हाबाफारि आरो बिफां फुलि गायनायजों लोगोसे जिल्ला नाडैनो 70 रोजानिखुइबो बांसिन गाव सुंथा आफादनि आइजोफोर ड्रग्सनि हेँथायै थांखि आजावो ।

कक्राझार सहरआव लामा रैखाथि सांग्रांथि हाबाफारि

दिने कक्राझार सहरआव लामा रैखाथि सांग्रांथि हाबाफारि खालामदों । राइजो-राजाफोरनि गेजेराव गारि सालायनायनि फासै सांग्रांथि लाबोनायनि थांखिजों कक्राझार डिस्कभारि क्लाबआ कक्राझार सहरनि पुलिस पइन्टआव लामा रैखाथि सांग्रांथि हाबाफारि बान्जायनायनि गेजेरजों हेलमेट गानै बाइक सालायगिरिफोरि आरो सिट बेल्ट गानै साखा खबन्नै गारि सालायगिरिफोरखौ लाखिनानै जाब्रबथाइ सोमजियोब्ला गावखौ रैखा मोन्नो हानाय बायदिदियै माखासे गारि सालायनायनि नेमखांथिफोरखौ फालिनांगीनि फासै बोसोन होनायजों लोगोसे गारि सालायनायनि नेमखांथि एबा आइनफोरखौ फालिनांगीनि थाखाय गोसोआव थाहोनायनि अंसिलायै साफ्रोमबो हेलमेट गानै बाइक सालायगिरिफोरि आरो साखा खबन्नै गारि सालायगिरिफोरनो फांफायै बिफां फुलि हसनायजों लोगोसे बिबार आरो बिहु गामसा गानहोदों । बिहु गामसा गानहोनानै बिबार आरो बिफां फुलि हसनायजों लोगोसे कक्राझार रोगथाइ बिफाननि मावफारिया आरो कक्राझारनि डिस्कभारि क्लाबनि सोद्रोमाफोरा साफ्रोमबो हेलमेट गानै बाइक सालायगिरिफोरि आरो सिट बेल्ट लागायै साखा खबन्नै सालायगिरिफोरखौ गारि सालायनायनि नेमखांथिखौ फालिनो थाखाय खावलायनायजों लोगोसे गावसोर हसनाय बिफां फुलिखौ न'नि बबेबा साखाथियाव गायनो खावलायो । बबेखानि दिनेनि बे लामा रैखाथि सांग्रांथि हाबाफारियाव ट्राफिक पुलिस, हान्था-मेल्ला बिफाननि हेफाजाब डिस्कभारि क्लाबआ हेलमेट गानै बाइक सालायगिरिफोरनिफ्राय फाइन लाया लासे बे जर'खा हाबाफारिखौ लानाय नुनो मोन्दों । लोगोसे बिथामोनहा सांग्रांथि होबावदोंदि, दिने हसनाय बे बिफां फुलि गायनायखौ नायनो थाखाय दान मोनसेनि गेजेराव नख'र-नख'र थानाय जागोन । जुदि, बे बिफां फुलिखौ गायनाय नुवा बैसोरनिफ्राय हेलमेट गानै आरो सिट बेल्ट लागायैनि फाइनखौ लानाय जागोन होन्नानैबो गारि सालायगिरिफोरनिसिम सांग्रांथि हरो । दिनेनि लामा रैखाथि सांग्रांथि हाबाफारियाव लोगो मोनफेनाय थामहिनबा हेलमेट गानै बाइक सालायगिरिफोरि आरो सिट बेल्ट लागायै साखा खबन्नै गारि सालायगिरिफोरनिसिम साफ्रोमखौबो मुं, थं आरो मबाइल नम्बर लिस्नानै लाखिनायखौ नुनो मोन्नाय जादों ।

उशाकाआव एडभान्टेज आसाम 2.0 खौ लानानै रड श्व 'आव गिबि मन्थि ७ हिमन्त विश्व शर्माआ बाहागो लादों

मन्थिआ बुंदौदि, इउनेस्कनि वाल्ड हेरिटेज साइट महैरै थिसनजानाय चराइदेव मैदाम, काजिरड माहारियारि पार्क, गल्फ गेलेग्रा फोथारजों लोगोसे गुबुन गुबुन गुदि मुवाजों आसामनि दावबायारि बिथिड जौगासारनाय । बे दावबायारि जायगाफोराव मोन्नाय खाबुफोरा जापाननि दावबायारिफोरखौ गोसो मोजां मोनहोनो हागोन होन्नानैबो बिथाड मख'दों । गुबुन फारसे गिबि मन्थि ७ शर्माआ जापाननि बिजिरथाय बिफाननि राइज्यो मन्थि कमुरा मासाहिरखौबो लोगो हमदों । बे लोगो हमलायनायाव बेसेनथि खालामनाय, नेमखांथि आरो जर'खायै गौतम बुद्धनि सानस्त्रिआ भारत आरो जापाननि गेजेराव माबोरै आध्यात्मिक थासारिखौ सोरजिदों बे आयदाजों लोगोसेनो गुबुन गुबुन बाथाखौ लानानै सावरयलायो । जथुमाव गिबि मन्थि ७ शर्माआ बुंदौदि, जापाननि कारखानाफोरनि थाखाय दरसे उद्यगआरि जायगा गायसन्तो थाखाय आसाम सरकारआ गोसो गुदुं आरो बे बिथिडव राइज्यो सरकारआ सिगांग्रो गोनांथि होनायनि बिथायाव खामानिखौ सिगांहोलानांगोन । आसामनि रोंगौथि गोनां सेंग्रा-सिख्लाफोरा जापानआव रोंगौथि गोनां लेबारनि बिबांखौ सुफुंनयाव माबोरै हेफाजाब होनो हायो बेनि सोमोन्दैबो जथुमाव सावरयलायदों । बेनि सिगां गिबि मन्थिआ दिने गोखौ साहस (परक्रम) सानखौ लोब्बा लानानै टकिय'आव थानाय राजथान्दै थाग्रा खुलियाव नेताजि सुभास चन्द्र बसनि मुसुखायाव बिबार मान बाउनानै हादतनि अराय गोसोखां जानाय जोहोलावनि हादत सिबिथायनि साहस आरो रुजुजायै समाइखिरा लानायजों लोगोसे ब्रिटिस खुंथायनि हेँथायै सोमावसारनायनि थांखिजों नेताजिआ जापानआवनो आजाद हिन्द फौजखौ दानायनि बाथाखौ मख'थो । गिबि मन्थिआ दिने जारिमिनारि हिरिसिमा गोजोन गोसोखांथि पार्कखौ नायसंनानै हिरिसिमायाव वमा बेरफुनाय जाथायाव जिउ गोमानाय सुबुंफोरनिसिम मान बाउवो । बिथाड लोगोसे बे गोसोखांथि पार्कनि साखाथियावनो गायसनजानाय माहारियारि बिफा महात्मा गान्धीनि ब्रन्जनि मुसुखायावबो मान बाउवो । मख'नो गोनांदि, बे गोजोन गोसोखांथि पार्कनि साखाथियावनो 2023 माइथायाव गाहाइ मन्थि रनेन्द्र मदिआ गोजोन आरो अहिंसानि मोनसे गोखौ खौरां फोसावनाय महात्मा गान्धीनि ब्रन्जनि मुसुखाखौ बेखेवना होदोंमोन । बे दावबायनाय समावनो गिबि मन्थिआ सेमिकन्डाक्टर खोन्दोनि मोनसे गोजौ थाखोनि फसंथान माइक्रन मेम 'रि फेब बिथांथिखौबो नायसडो । सेमिकन्डाक्टर खोन्दोनि फसंथानाव थानाय जर'खा रोंगौथिनि बिथिडव गिबि मन्थिआ आसामजों फसंथानि हेफाजावखौ गोखौ खालामनानै गावजों-गाव जौगाखानायनि थाखाय सिगांनयनि बिथिडव गोनांथि होयो । माइक्रन मेम 'रि फेसिलिटि दावबायनाय समाव गिबि मन्थिआ कारखानानि लेडइ आफादगिरि जमुयालिजोंबो बाथा सावरयलायनानै फसंथानखौ आसामनि सेमिकन्डाक्टर उद्यगनि जौगाखानाय दावबायनायाव बाहागोदारि जानो हांखायो । ७ शर्माआ बुंदौदि, जागिरडनि इलेक्ट्रिक्स टाउनसिपखौ मुलुगनां सेमिकन्डाक्टरनि हाब महैरै सोरजिनयनि खाबु गोनां खालामनाय जागोन आरो माइक्रन बायदि फेब्रिकेशन फेसिलिटिनि गोजौ थाखोनि फसंथानआ आसामनि सेमिकन्डाक्टरनि बेसेन फारिखौ जोबोद गोखौ खालामनो हायो । गिबि मन्थि ७ शर्माआ दिने उशाकाआव खुंनय एडभान्टेज आसाम 2.0 नि रड श्व 'आव सा 80 निखुइ बांसिन उद्यगगिरिफोरजों बाथा सावरयलायनानै आसामनि रंखांथिआरि जाथावना आरो इन्भेस्ट खालामगिरिफोरनि थाखाय राइज्योआ आजावना लानाय मोजां खांथिनि बाथाखौबो मख'दों । बिथाड लोगोसे आसामनि सरसनस्त्रा सुबुंफोरनि जानानै उशाकानि उद्यगगिरिफोरखौ एडभान्टेज आसाम 2.0 आव बाहागो लानो हांखायनानै आसामनि जौगाखानाय बाहागोदारि जानो बुडे । मख'नो गोनांदि, गिबि मन्थिआ लोगोसेनो कामेडा शौका फसंथाननि गाहाइ मावफुं बिबानगिरि लेक राज जुनेजाजोंबो मोनसे फिथाइ गोनां सावरयलायनानै आसामनि जौगाखानाय आदार प्रसेसिं खोन्दोआव इन्भेस्टमेन्टनि थाखाय हांखायो । गिबि मन्थिआ बे लोगो हमलायनायावनो लेक राज जुनेजाआ प्रवासि भारतीय सन्मान बान्था-2025 मोन्नायनि थाखाय हामलायथि बाउवो ।

फैगौ 25 जानुवारिनिफ्राय 6 साननाडै- मानास फोर्बो खुंनो साखा-फारा

मानास टाइगर प्रजेक्टनि पार्क बिथोनगिरि ७ सि रमेश आरो सालबारि टिसिएलसिसिनि मासिगिरि बिनद मुसाहारिमोनहा बेखेवना होगोन । बेनि उनावो बिटिआरनि दोरोडरि आरो दावबायारि जायगा बेखेवनाय, दोरोडरि दावला सोलायनाय बादायलायनाय खुंनय जागोन । साननि 10:45 रिगायाव बड'लेण्ड दावबायारि बिफाननि बान्जायनायाव माहारियारि दावबायारि सानखौ लोब्बा लानानै दावबायारि सरेखाथिनाय सांग्रांथियारि लामा हान्जा सुरनायखौ बिटिआरनि गाहाइ मावफुं सोद्रोमा प्रमद बर'आ बेखेवना होगोन । लोगोसेनो सानाव खर्बा, भुटिया, आदिबासिफोरनि दोरोडरि जिउ खानायनि थाग्रा जायगा महैरै गामि थाथाय लुनायखौ बेखेवनाय जागोन । मोनाबिलियाव आलारि बाति फोजांनय, हारिमुआरि हाबाफारि खुंनय जागोन । मख'नो गोनांदि, फैगौ 30 जानुवारिसिम खुंजानो गोनां मानास फोर्बोआ वाल्ड हेरिटेज साइट मानास माहारियारि पार्कनि मिथिंगायारि समाइना नुथाय, साखाथि ओन्सोलनि दोरोडरि हारिमु, जायगानि जाग्रा आदार, दिहुन्नाय सानफ्रोमबो जिउ खानाय बाहायग्रा मुवा-बेसाद, दोरोडरि गुबुन गुबुन हारि-माहारिनि गान्नाय-जोमनायनि मेला खुंनय जागोन । बेनि अनगायैबो सावरय जथुम, गोसोखां लाइसि बेखेवनाय, फालांगियारि मेलाजों लोगोसे गेलेमु, थुनलाइ, हारिमु बायदि गुबुन गुबुन बादायलायनायखौबो बे फोर्बोआव खुंनय जागोन होन्ना फोरमायदों ।

कक्राझारआव 5थि बर' गोजोन गोरोबथा सान खुंगोन

मावफारियाफोरखौ मान होनाय जागोन । बर' गोजोन गोरोबथा रदाय खुंनयनि मोनसे नागारथावजायै बाहागो महैरै खुंनय बे जर'खा हाबाफारिनि थांखिया जाबाय जौगाखानाय गोनांथार बिहोमा होनाय सुबुंफोरनो बिम् हुनाय आरो मान होनाय । बे हाबाफारिनि थांखिया जाबाय 2020 माइथायाव मुंसायनाय जारिमिनारि बर' गोजोन रदायखौ गोसोखानाय, जायनि गेजेरजों बिटिआरआव अरायथा गोजोन आरो जौगाखानायखौ नुनो मोन्नाय जादों । बे रदाया गोबाव साननि जेनाखौ सुंसांनय आरो ओन्सोलाव खौसेथि आरो जौगाखानायखौ रैखाथि होनायनि बिथिडव मोनसे गोनांथार माइलनि खुन्थिया महैरै मिबथिजायो ।

बाक्सा जिल्ला एबसुनि बान्जायनायाव एबसुनि बारग' बिबानगिरि आरो मेलेमजिबिफोरजों लोगो हमलायनाय हाबाफारि लादों

आरो बाहागो लाफैनाय मेलेमजिबि बिथामोनखौ फारि-फारियै बरायनायजों लोगोसे सिनायथि होनाय जायो । बे सिनायथिनि उनावो बाहागो लानाय साफ्रोमबो बारग' बिबानगिरिफोर आरो मेलेमजिबि बिथामोना मागो-दमासिनि गामम हमलायनाय बाउनायजों लोगोसे बर' हारि दानाय बर' हारि दानाय एबसुनि थांखि आरो नोजोर बेखौ लानानै बयबो सुबुरुन होनायजों लोगोसे गुवारै सावरयलायनायखौ नुनो मोनो । बे हाबाफारियाव बाक्सा जिल्ला बर' थुनलाइ आफाद, बर' बिमा गौथुमनि बिबानगिरि, बर' हारिमु आफादनि बिबानगिरिफोर लोगोसे एम सि एल ए जय मुसाहारी, मन्तु बर', बड'लेण्ड हायुंयारि गौथुमनि बुंथिगिरि कातिराम बर' आरो गोबां मेलेमजिबि बिथामोना बाहागो लायो । बे हाबाफारिखौ थांखिनानै बाक्सा जिल्ला एबसुनि आफादगिरि उमेस दैमारिआ खौरां बिजौनि गेजेरजों साफ्रोमबो बाहागो लाफैनाय एबसुनि बारग' बिबानगिरिफोर आरो सानसुमै बिथामोनखौ साबायखर बाउनायजों लोगोसे बर' हारि दानाय बरग' बिबानगिरिफोर आरो सानसुमैफोरनि मददखौ अराय सम नांगोन होन्नानै फोरमायो । लोगोसे मोनसे समनि मिरु एबसुनि आफादगिरि ७ दिपक कुमार बसुमतरिआ खौरां बिजौनि गेजेरजों फोरमायोदि, बे हाबाफारिनि गेजेरजों गोजाम मावथि लोगोफोरखौ लोगो हमलायनो मोन्नानै गोजोन्नाय मोनदों आरो एबसुआ अरायबो बर' हारि दानाय गोखौ खामानि मावबोदों आरो मावलांनगोन । लोगोसे बिथाड एबसुखौ माब्लाबा-माब्लाबा मुं सुनायखौ फिन्नाय होनानै बुडेदि, जायफोर एबसुखौ मुं सुयो बिसोर एबसुनि बागै गोथौयै साना हसिया बाथा बुडे होन्नानै फोरमायो ।

गाहाम देहानि राहा

जोगोनाथनि जुसआ देहानि थाखाय मुलाम्फा गोनां

जोगोनाथनि स्वादखौ माखासे सुबुंफोरा मोजांभो मोना जानो हागौ। नाथाय सावस्त्रि जर'खागिरिफोरनि बायदिव्ला, बेनि जुस लोडोव्ला देहाआव माखासे बेरामिनफ्राय रैखा मोनो हायो। जोगोनाथआव भिटाभिन, फाइबार, पेटिसियाम आरो केलसियामनि अनगायैबो माखासे सुफुंसार बेसाद मोनो हायो, जाय जौनि देहानि इमिउनिटिखौ बारायो आरो बोथोरनि माखासे बेरामिनफ्राय गिनांगौखौ बाडाइ खालामो। जोगोनाथनि जुसआ देहानि थाखाय गोबां मुलाम्फा गोनां। जोगोनाथनि जुस लोडोव्ला देहानि लेरथाड थाबैनो खमायो आरो उडैनि जेनायाबो जानगारो। माखासे सुबुंफोरा बेखौ हालुवा आरो सुप खालामनाबो जायो। नाथाय बेबायदि खालामोव्ला जोगोनाथआव थानाय सुफुंसार बेसादफोरा बाडाइ जायो।



सावस्त्रि जरखा गिरिफोरनि बाइदिव्ला, जोगोनाथनि जुस लोडोव्ला गाहायाव होनाय मुलाम्फाखौ मोनो हायो-

(1) गोजां बोथोरव सुबुंफोरखौ दोगोन जानाय जेनाफोरजौं भुगिनांनयखौ नुनो मोनो। जायनि जाउनाव जोगोनाथनि बिदेखौ लोडोव्ला बेफोर जेनानिफ्राय रैखा मोनो। जोगोनाथआव गोबां बिबांनि फाइबार मोन्याय जायो। फाइबारआव जौनि देहानि दोगोन सिस्टेमखौ गोखौं खालामना लाखियो।

(2) गुफुं मोदोमनि जेनाया सरासन्सायै दोगोन

कल्डप्लेनि अन्साय जानायखौ मुम्बाइनि लकेल ट्रेनआबो नुनो मोन्दो

गुबुन हादतनि देंखोगिरि क्रिस मार्टिननि अन्साइगिरिफोरनि अन्जिमाया गासै हादतआवनो गोबां दं। भारतआवबो सुबुंफोर क्रिसनि समायना मेथाइफोरखौ खोनासंनो आरो रंजानाय लानो मोजां मोनो। बावैसो सिगां मुम्बाइआव क्रिस मार्टिननि रक बेन्ड कल्डप्ले कन्सार्टीन थामथि सान जानानै थांबाय, जेराव रोजा रोजा अन्साइगिरिफोरखौ थुबुर जाफैनाय नुनो मोन्दो। खालि कन्सार्टीन भेन्युल'नडा नाथाय मुम्बाइनि लकेल ट्रेनआबो कल्डप्लेनि लानानै अडियन्सफोरनि गेजेराव बोदोर जानाय नुनो मोन्दो, जायनि मोनसे भिडिअया आथिखालाव सशेल मिडियाआव गोबां भाइरेल जागासिनो दं। बे भिडिअयाव मुम्बाइनि थागिबि सुबुंफोर कल्डप्लेखौ स्पेशेल ट्रिबिउट होनाय नुनो मोन्दो। बबेखानि जेब्लायबो नुनो मोनोदि, जायखि जाया मिउजिक कन्सार्टखौ एटेन्ट खालामनायनि उनाव अन्साइगिरिफोरनि गोसो-



खर'आव बेनि मेथाइआ रिखाडो आरो बायजोआव फैनायनि उनावबो बेखौ खोनासंनो आरो रोजाबनो मोजां मोनो। कल्डप्लेनि कन्सार्टीन उनाव मुम्बाइनि थागिबि सुबुंफोरखौबो माखासे बिबिदो क्रेजिनेस जानाय नुनो मोन्दो। अदेबानि, सशेल मिडिया प्लेटफर्म इन्सटग्राम हेन्डेलआव मुम्बाइ लकेल ट्रेनि मोनसे लेटेस्ट भिडिअया गोबां भाइरेल जागासिनो दं आरो बेवहाय सुबुंफोरनि गोबां थुबुर

भिडिअखौ नायनायनि उनाव नोंथांआबो बिबिदो मुड जागोन। मख'नो गोनांदि, बे भिडिअखौ अन्साइगिरिफोरा जोबोद अन्साइगिरिफोरनि दं, जायनि जाहोनाव बिथांमोनहा बेनि सायाव लाइक आरो कमेन्ट खालामगासिनो दं। बे भाइरेल भिडिअखौ नायनाय नोंथांमोनहा गोरलैयैनो बुनो हागोनदि, थारैनो कल्डप्ले आरो क्रिस मार्टिनखौ लानानै भारतआव गोबां क्रेस दं आरो भारतनि अडियन्सफोरा बिथांमोननि थाखाय बोदोर जायो। बबेखानि 18,19 आरो 21 जानुवारीसिमनि मुम्बाइनि डिवाइ पाटिल स्टेडियमआव कल्डप्ले कन्सार्टआ सोलियो।

अक्षय कुमारआ 'स्काइ फर्स' सावथुनजौं लोकोसे सिनेमा हलफोराव नुजाथि फैसिगोन

अक्षय कुमारनि थाखाय मोनसे हिट सावथुना आथिखालाव गिबि गोनांथि जादो। 2024 माइथायाव खिल्लाडू कुमारआ मोनसेबो हिट सावथुन होनो हायाखै। सरफिरा, बडे मिया छोट मिया आरो खेल खेल में मोनथामबो सावथुना फलप जादोमोन। अदेबानि बिथाड आथिखालाव हादत अन्सायनायनि सायाव बानायनाय सावथुन 'स्काइ फर्स'खौ लानानै फैगासिनो दड। बे सावथुना 24 जानुवारिखालि सिनेमाहलफोराव रिलिज जागोन। नाथाय आइएमडिबिनि मस्ट एन्टिसिपेटेड इन्डियन मुभिज आरो श्व'फोरनि लिस्टआव अक्षय कुमारनि 'स्काइ फर्स' सावथुना टपआव सौहेनो हायाखै। आइएमडिबिनि मस्ट एन्टिसिपेटेड इन्डियन मुभिज आरो श्व'नि लिस्टखौ नोजोर होयोव्ला बेयाव गिबि नाम्बाराव हिमेश रेशमियानि बेडएस रबिकुमारआ दड। सावथुना 7 फेब्रुवारिखालि रिलिज जागोन आरो बेनि डायरेक्सनखौ किथ गम्सआ होदो। सावथुनि ट्रेलारआ सशेल मिडियाआव मोजां रिस्पन्स मोनगासिनो दड आरो बेनि डायलगाफोरखौबो नायगिरिफोरा जोबोद अन्सायदो। आइएमडिबिनि बे लिस्टआव नेटि नाम्बाराव आमिर खाननि फिसाज्ला जनेद खान आरो बनि कापुरनि फिसाजो खुशि कापुरनि 'लवयापा' सावथुना ड। बे सावथुनाबो 7 फेब्रुवारिखालि रिलिज जागोन। थामथि नाम्बाराव



आर, माधबनि सावथुन 'हिसाब बराबर' आ दड। बे सावथुना 24 जानुवारिखालि अटिप्ट प्लेटफर्म जि 5 आव रिलिज जागोन। ब्रैथि नाम्बाराव शाहिद कापुरनि 'देवा' सावथुना दड, जाय 31 जानुवारिखालि सिनेमाहलफोराव नुजाथिगोन। बेनि उनाव बाथि नाम्बाराव स्काइ फर्सनि नाम्बाराव फैयो। 'स्काइ फर्स' नि रिलिज अक्टआ 24 जानुवारिआव। द'थि नाम्बाराव भिक्क कौशल आरो रश्मिका मन्दानि 'छावा' सावथुना दड, स्निथि नाम्बाराव भिदामर्याचि, दाइनिथि नाम्बाराव मिस्टर हाउसे किपिं, गुथि नाम्बाराव मसका आरो जिथि नाम्बाराव 'पन्जाब 95' आ दड।

डायरेक्टर राम गपाल वार्मानो 7 बोसोर गोजाम केसआव 3 दाननि साजा खोनासंहोदो

जेनाफोरजौं हिन्दी सावथुन डायरेक्टर राम गपाल वार्मानो गोजाम सोमोन्दो दड। सानफ्रोमबो जायखि जाया जाहोननि थाखाय बिथानि मुड खौराडाव थायो। नाथाय आथिखालाव रामखौ लानानै जाय खौराडाव सोराडव फेदो, बेजो बिथानि अन्सायगिरिफोरनि जिंगाया बांदो। 7 बोसोर गोजाम मोनसे केसखौ लानानै बिजिस्सालिया राम गपाल वार्मानो आइनआरि बेरेखा होनानै फोसावो आरो बेजो लोकोसेनो 3 दाननि जेलाव थानायनि साजा फोसावो। जेब्लायबो नुनो मन्तोदि, जेना गोनां सशेल मिडिया पस्ट एबा गावनि फिनजाथायखौ लानानै राम



गपाल वार्मानो कन्ट्रभासि क्रिएट खालामबाय थायो। नाथाय बे खेबाव बिथाडा आइनआरि बेन्दोआव गात्रिथै गात्रबाय। इन्डिया टुडेनि रिपटनि बादिव्ला, मुम्बाइनि मोनसे बिजिस्सालिया 7 बोसोर गोजाम चेक बाउन्स जानाय बिथिडाव साजा खोनासंहोनानै राम गपाल वार्मानो 3 दाननि जेल आरो

बेयो नेगसिएबल इन्स्टुमेन्स एक्टनि सेक्सन 131 नि सिडाव फैयो। बे जेनानि गेजेरजौं राम गपाल वार्मानो मुड गावनि फैनो गोनां सावथुननि ऐनाउन्समेन्टखौ लानानैबो लाइमलाइटआव थादो। बिथानि फैनो गोनां सावथुननि मुड सिन्डिकेट, जायखौ बिथाडा गावनि अफिसिएल एक्स एकाउन्टआव फोसावदोमोन। बे पस्टआव डायरेक्टरआ बे सावथुननि सोमोन्दै गुवारै सावरायदो आरो अन्सायगिरिफोरनो गासै कन्सेप्टखौ बुजायो। मख'नो गोनांदि, चेक बाउन्स जानाय बिथिडाव राम गपाल वार्मानो 2022 माइथायाव खेबसेहमजाना जािमिनो मोनखंबाय।

कल्डप्लेआ आहमेदाबादआव दोहो सोमजि होनो थाखाय थियारि जाबाय

मुम्बाइआव गावसिनि गोखौं कन्सार्ट खालाम खानायनि उनाव आथिखालाव ब्रिटिस रक बेन्ड कल्डप्लेआ आहमेदाबादआव दोहो सोमजि होनो थाखाय थियारि जाबाय, जायखौ लानानै मोजाडै नो साखा-फारा जागासिनो दं। बे कन्सार्टआ 25 आरो 26 जानुवारीखालि नरेन्द्र मदि स्टेडियमआव जागोन। बेनि गेजेराव खौरां मोन्दोदि, नेशनेल सिक्किउरिदि गार्ड (एनएसजि) नि मोनसे टीमआ ब्रिटिस रक बेन्ड कल्डप्लेनि आहमेदाबादआव जानो गोनां कन्सार्टनि रैखाथि होनायाव बाहागो लागोन। बे इभेन्टनि थाखाय गोखौं रैखाथिनि लाहार-फहार खालामनाय जादो। मिबथि होनाय जायोदि, बे स्टेडियमआ हादतनि बयनिखुइ देरिसि क्रिकेट स्टेडियम, जेराव 1 लाखनिखुइ बांसिन सुबुंफोरा जियायनो हागोन। बे कन्सार्टनि गेजेरजौं 3,825 पुलिस मावसुमाफोरखौ स्टेडियम आरो बेनि



साखाथिफोराव थिसन्नाय जागोन। आहमेदाबादनि जइन्ट पुलिस कमिसनार निरज बदगुजरआ मिबथि होयोदि, सानफ्रोमबो 1 लाखनिखुइ बांसिन नायगिरिफोरनि बाहागो लाफैनायखौ नोजोर होनानै गुवार रैखाथि आरो आयेनारि रैखाथि थियारि खालामनाय जादो। आहमेदाबाद सिटि क्राइम ब्रान्च आरो स्पेशेल अपारेसनस गुप (एसएजि) मेट' स्टेशनफोरजौं लोकोसे माखासे राजखाथि जायगाफोरावबो नोजोर लाखिगोन। मेट'खौ नायगिरिफोरनि गेजेरजौं

कमेडियान कपिल शर्माआ बुथार जानो नागिरनाय हुमखि मोन्दो



सावथुन मुलुग आरो सेलेब्सफोरा थानाय समनिफ्रायनो सावथुनफोरनिखुइ बांसिन हुमखि होजानाय बिथिखौ लानानै खौरांआव थादो। सुपारस्टर सलमान खाननि मुंआबो बुथारनो हुमखि होजानाय केसखौ लानानै गोबां खौरांआव थादो आरो आथिखालाव भारतनि मुंदांखा कमेडियान कपिल शर्मानि मुंआबो थाफादो। खौरांआव मिबथिनाय बायदिव्ला, कापिलनाव हुमखि हरनाय मोनसे इ-मेल फेदो, जेराव कमेडियानखौ बुथारनो होनानै हुमखि हरदोमोन। कापिलनि अनगायैबो गुबुन माखासे सावथुन मुलुगनि फावगिरिफोरनावबो बिबिदो हुमखि हरनाय इ-मेल फेदो। जायखौ लानानै मुम्बाइ पुलिसनियाव केस थिसन्नायबो जादो। सेलेब्सफोरखौ बुथारनो हुमखि हरनाया थाबथानायनि लामायाव फैयाखै आरो आथिखालाव सोरखा नड सोरखा सासे फावगिरिया बे बिथिआव खौरांआव थादो। फ्रिआ प्रेस जार्नेलनि रिपटनि

बायदिव्ला, कमेडियान कपिल शर्माखौ बे खेबाव थांखि बानायनाय जादो आरो बिथिआ इ-मेलआव हुमखि हरजादो। बे मेलआव लिरदोदि, जौं नोंथांनि गासै खामानिनि सायाव नोजोर लाखिनानै दं, जायखौ नोंथांआ बावैसो खालामदो। बेनि फारसे नोंथांखौ गोसोआव लाबोहोनाया गोनांथि। बेयो जेबो पाब्लिसिटी खालामनाय एबा जिंगा सिहोनयनि नडा। अन्नानै बे मेसेजखौ सिरियासै ला, जुदि नोंथांआ जौनि दाबिनायखौ आबुं खालामाव्ला, नोंथांआ बेनि फिथाइखौ भुगिनो थाखाय थियारि जानानै था। फैगौ 8 घन्टानि गेजेराव जुदि फिन जाथाय मोना अब्ला जौं थारैनो नायबिजिगोन। कपिल शर्मानि अनगायैबो बे बायदिनो इ-मेलआव बलिउडनि फावखुंगुर राजपाल यादव, कमेडियान सुगन्धा शर्मा आरो डान्स करिय'ग्राफार रेम' डिजुजानि मुंआबो दंफायो। बे बिथिआव सुगन्धा आरो रेम'आ मुम्बाइ पुलिसनो केस थिसन्दो। बेनि अनगायै राजपाल यादवनि बिसि राधा यादवआबो बे बिथिआव मुम्बाइनि अम्बलि पुलिस स्टेशनआव सिनाय मोने सुबुंनि बेरेखायै केस थिसन्दो। बबेखानि मुंदांखा सेलेब्सफोरनि केस थिसन्नायनि उनाव मुम्बाइ पुलिसआ सांघ्रां जादो आरो जाथायनि सायाव नायबिजिगनायखौ जागायो।

मनालि ठाकुरनि देहाया लाइभ कन्सार्टआव हरखाबै गात्रि जादो



गेजेरावबो बिथाडा हरखाबै हां लानायाव जेना जादोमोन। जायगायाव थानाय सुबुंफोरा मिबथि होयोदि, मनालिन देहाया हरखाबै जोबोद गात्रि जादोमोन आरो बिथाडा थाबैनो गावनि पारफर्मन्सखौ देन्थ'यो। देहा गात्रि जानायाव बिथिखौ दिनहाटानि साब-डिस्ट्रिक्ट

कचबिहारनि मोनसे प्राइभेट देहा फाहामसालियाव दड। मनालिआ दासिमाव सशेल मिडियाआव गावनि देहानि फारसे जेबो आपडेट होआखै। फारसेथि अन्सायगिरिफोरा बिथानि हेल्ड आपडेटखौ मिबथिनो थाखाय उसु-खुथु जादो आरो बिथिखौ थाबैनो मोजांनि थाखाय आर'ज गाबगासिनो दड। माखासे सप्ताह सिगांबो मनालि ठाकुरआ खौराडव फेदोमोन। बिथिआव वाराणसिआव गावनि मिउजिक कन्सार्टखौ गेजेरावबो जोन्थ'दोमोन, जायनि सिंनि जाहोनखौ बिथाडा कन्सार्टनि थाखाय मोजाडै थियारि जायाखै

नर्थ-इस्ट इउनाइटेड एफसिआ मिडफिल्डर महम्मद आर्शाफजो गोरोबथा खालामबाय

गुवाहाटी, 23 जानुवारी: हादतनि मोनसे मुदांखा फालांगियारि फुटबल दुर्नामेन्ट इन्डियन सुपर लीगनि गुबुन मोनसे हान्जा नर्थ-इस्ट इउनाइटेड एफसिआ बे खेवआव हान्जायाव सासे लाइमोन मिडफिल्डर महम्मद आर्शाफजो हान्जायाव लाबोदो। नर्थ-इस्ट इउनाइटेड एफसिआ गोबाव समनि थाखाय आर्शाफजो गोरोबथा खालामबाय। हान्जानि सुलुज मिबथि होनाय बायदिल्ला, मिडफिल्डर आर्शाफजो 2027 सिजननि जोबनाय समसिम गोरोबथानि सागान खालामनाय जादो। 20 बोसोर बैसोनि लाइमोन फुटबलर आर्शाफजो कालिकात फुटबल क्लाबनिफ्राय ऑखारनाई आइएसएलनि हान्जा नर्थ-इस्ट इउनाइटेड एफसिआव फेदो। 2024 नि सुपर लीग के रेलायाव आर्शाफजो कालिकात फुटबल क्लाबनि



जानानै गोखोडै गेलेनाई दिन्थिनायनि गेजेरजो आइएसएलनि हान्जायाव जायगा मोनो हादो। सुपर लीग केरेला-2024 आव आर्शाफजो गोखो गेलेनायनि गेजेरजो कालिकात फुटबल क्लाबआ सेम्पियन बिमुं देरहानो हादो आरो बिथाड बे दुर्नामेन्टआव इमार्जि प्लेयार बान्थाखोबो मोनो हादोमोन। 2024 नि सन्तष ट्रफिआवबो आर्शाफजो केरेला राज्ज्यो हान्जाजो गोखो मिडफिल्डर महर् गेलेदोमोन। आर्शाफजो गावनि फुटबल केरियारनि

दावबायनायखौ फरायसालि समनिफ्रायनो जागायदो आरो पारपुर एफसिआव बिथाड गिबियै क्लाबजो गेलेजेन्दोमोन। नर्थ-इस्ट इउनाइटेड एफसिनि गाहाइ कच जुवान फेडु बेनालीआ महम्मद आर्शाफजो हान्जायाव लाबो नो मोनानै गोजोन्नाय फोरमायनायजो लो गोसे फेगो समफोराव नर्थ-इस्ट इउनाइटेड एफसिनि थाखाय गोखो गेलेनाई मोजो फिथाइ लाबो नो हागोनखौ मिजिथिनाय फोरमायदो।

आन्डार 19 वर्ल्ड काप 2025 आव भारतनि हान्जाया गोखोडै गेलेगासिनो

सुपर-6 आव जायगा आवग्रिनो हाबाय

गोदान दिल्ली, 23 जानुवारी: मालेसियानि राजथावनि क्वालालम्पुरआव खुंजागासिनो थानाय आइसिसि आइजो आन्डार-19 वर्ल्ड कापआव डिफेन्डि सेम्पियन भारतनि आइजो हान्जाया ग्रुप स्टेजनि जोबथा बादायलायनायावबो गोखोडै गेलेनाई दिन्थिनायखौ नुनो मोन्दो। भारतनि आइजो हान्जाया ग्रुप स्टेजनि जोबथा बादायलायनायाव श्रीलंकानि हेँथायै 60 रनि फारागथिआव देरहानायजो लो गोसे सुपर-6 आव गोरलैँ नो जायगा आवग्रिनो हायो। भारतनि हान्जानि थाखाय बे बादायलायनायाव गंगादि त्रिशाआ 44 बलआव 49 रन खालामनायजो स्करखौ 118 रन सिम लांनायाव गाहाइ बिहोमा होनो हादो। बेर फासै भारतनि हान्जाया होनाय राननि टारोटखौ होसोनो फोथाराव ऑखारनाय



श्रीलंकानि हान्जाया 20 अभाअव 58 रनखौल' खालामनो हायो। भारतनि आइजो आन्डार-19 हान्जानि जानानै श्रीलंकानि हेँथायै ग्रुप

स्टेजनि जोबथा बादायलायनायाव बलार हिसाबै फिन आरोबाव भि.जे. जसिता, परुनिका शिसदिया आरो सबनम शकिल मोनहा गोखोडै

दिन्थिदो। जसिताआ बे बादायलायनायाव 3 अभाअव 17 रन होनानै सा 2 उडकेट लानो हादो। एरैहाय परुनिकाआवो गावनि 4

अभाअव 7 रनल' होनानै सा 2 उडकेट लानो हादो। बिसोरनि अनगायैबो सबनम शकिलआ 4 अभाअव 9 रन होनानै सा 2 उडकेट लानो हादो। बे बादायलायनायाव आयुशि शुक्ला आरो भैष्णवि शर्माआवो 1-1 उडकेट लानो हादो। बे बादायलायनायाव देरहानायजो लो गोसेनो भारतनि हान्जाया सुपर-6 आव जायगा आवग्रिनो हायो। सुपर-6 आव भारतआ बांलादेश आरो स्कथलेन्डनि हान्जाजो बादायलायनायनो आरो गिबि मेचखौ फेगो 26 जानुवारी बांलादेशनि हेँथायै गेलेगोन आरो नैथि सुपर-6 नि मेचखौ स्कथलेन्डनि हेँथायै गेलेगोन।

एरिना सभालेन्काआ लान्थियै 3थि केब अस्ट्रेलिया अपेननि फाइनालआव

सेम्पियन बिमुंमनि थाखाय 25 जानुवारिखालि आमेरिकानि मेडिसन किजजो बादायलायगोन

स्पटर्स डेस्क, 23 जानुवारी: डिफेन्डि सेम्पियन एरिना सभालेन्काआ दासान्दि, सोलिगासिनो थानाय अस्ट्रेलियान अपेन 2025 नि फाइनालसिम सौहेनो हाबाय। सभालेन्काआ लान्थियै 3थि खेबनि थाखाय ग्रेन्डस्लेमनि फाइनाल राउन्डसिम जायगा आवग्रिनो हादो। बे बोसोरनि अस्ट्रेलियान अपेन बिमुं देरहानायनि थाखाय सभालेन्काआ फेगो 25 जानुवारिखालि आमेरिकानि मेडिसन किजजो बादायलायगोन। मेलबर्ननि रड लेवार एरिनाआव खुंजानाय अस्ट्रेलियान अपेननि सेमिफाइनाल बादायलायनायाव बे लारु शनि गेलेगिरि सभालेन्काआ स्पेननि आइजे टेनिस गेलेगिरि पाउला बरसाखौ फेजेन्दो। बिथाडा गावनि सेमिफाइनाल बादायलायनायाव स्पेननि गेलेगिरिखौ 6-4, 6-2 स्करजो फेजेन्नानै अस्ट्रेलियान अपेननि फाइनालआव जायगा आवग्रिनो हादो।



मख'जाथावदि, अस्ट्रेलियान अपेनआव सभालेन्काआ 2023 आरो 2024 नि सिजनआवबो बिमुं देरहासर जानो हादोमोन। बेराफासै गुबुन मोनसे सेमिफाइनालनि बादायलायनायाव मेडिसन किजआ पलेन्डनि गेलेगिरि इगा स्वीयातेक खौ फेजेन्नानै फाइनालआव सौहेनो हादो। बेर फासै हौवाफोरनि हारसिं बादायलायनायनि

सेमिफाइनालआ गाबोन शुक्रवारखालि खुंजागोन। गिबि सेमिफाइनालखौ नभाक जकभिस आरो आलेकजेन्डर जेरेफनि गेजेराव बादायलायगोन। नैथि सेमिफाइनालखौ वर्ल्ड नम्बर 1 यानिक सिनार आरो बेन्सेल्टननि गेजेराव बादायलायगोन। 1905 माइथायनिफ्राय खुंबोनाय बे अस्ट्रेलियान अपेनआ बोसोरनि गिबि ग्रेन्डस्लेम दुर्नामेन्ट जायो।

लन टेनिस एस'सिएसन अफ अस्ट्रेलियाआ बे दुर्नामेन्टखौ 1905 आव जागायदोमोन। जायखौ गिबि अस्ट्रेलियान सेम्पियन बुंनायबो जायोमोन। उनाव लन टेनिस एस'सिएसन अफ अस्ट्रेलियाआ बे दुर्नामेन्टनि मुंखौ सोलायनाई अस्ट्रेलियान अपेन मुं दोन्नाय जायो। मख'नाय जायोदि, मुलुगनां टेनिस गेलेमुआव मोनब्रै ग्रेन्डस्लेम चुर्नामेन्ट जायो। बे मोनब्रै दुर्नामेन्टखौ बोसोरफोमबो खुंनाय जायो आरो जागायनाया जानुवारी दाननिफ्राय अस्ट्रेलियान अपेननिफ्राय जायो। मे आरो जुन दानआव फ्रेन्स अपेन जायो। बेबायदिनो जुलाइ दानआव उडम्बलडन आरो आगस्ट-सेप्टेम्बर दानआव इउएस अपेन खुंनाय जायो। इउएस अपेनआनो बोसोरनि जोबथा ग्रेन्डस्लेम दुर्नामेन्ट।

गुकेशआ वर्ल्ड रेंकिनि 4थि सारियाव थानो हादो

गोदान दिल्ली, 23 जानुवारी: वर्ल्ड सेम्पियन डि. गुकेशआ गावनि केरियारआव फिन मोनसे जाफुंसारनाय लाबो नो हाबावदो। फिडेनि गोदानै फोसावनाय वर्ल्ड रेंकिआव भारतनि चेस गेलेगिरि डि. गुकेशआ 4थि सारियाव जायगा आवग्रिनो हादो। बेजो लो गोसेनो बिथाड अर्जुन एरेगिसिखौ गाहायाव दोन्नाई भारतनि गिबि सारिनि चेस गेलेगिरि जानो हायो। गुकेशआ बे जाफुंसारनायखौ दिने मोनफुंनो हादो। बिथाड नेडारलेन्डनि भिक्स आन जिआव सोलिगासिनो थानाय टाटा स्टील दुर्नामेन्टआव जार्माननि भिनचेन्ट किमरखौ फेजेन्नानै बे जाफुंसारनायखौ मोनो हादो। बे दुर्नामेन्टआव बेयो गुकेशनि मोनसे देरहानायमोन। गुकेशनि बे जाफुंसारनाया जोबोद गोनांथि जादो, मानोना बिथाडा बे बोसोरव भारतनि सनमान गोनां गेलेमु बान्था दानचान्द खेल रज्जो मान होजादो। बिथानि



रेटिआ दा 2784 पइन्ट जानानै दड। बेराफासै हादतनि गुबुन सासे गिलेगिरि अर्जुन एरेगिसिनि रेटिनि पइन्टआ 2779.5 जो 5थि सारियाव दड। बेबायदिनो गुकेशआ एरेगिसिखौ गाहायाव लाखिनानै भारतनि नम्बर 1 चेस गेलेगिरि महर् जायगा मोनो। गोदानै फोसावनाय वर्ल्ड रेंकिआव नर्वेनि गेलेगिरि मेक्नास कालर्सआन 28232.5 जो गिबि सारियाव थानो हादो। बेनि उनाव आमेरिकानि ग्रेन्ड मास्टर हिकार नाकामुयआ 2802 पइन्टजो नैथि आरो पब्लियान कारखानाआ 2798 पइन्टजो थामथि सारियाव दड।

बेनि उनाव डि. गुकेशनि मुंआ ब्रैथि सारियाव थानो हादो। गुकेशनि थाखाय बे जाफुंसारनाया गावनि चेसनि केरियारआव मोनसे गेदेर दावगानाय। थानाय बोसोरनि डिसेम्बर दानआव बिथाडा सिंगापुरआव चीन हादतनि गेलेगिरि डि लिरेनखौ फेजेन्नानै वर्ल्ड बिमुं देरहानो हादोमोन। जाय बिथानि थाखाय बेयो मोनसे गिदिर जारिमिनारि फिथाइमोन। अर्जुन एरेगिसिआ थानाय बोसोरनि सेप्टेम्बर दानआव भारतनि नम्बर 1 गेलेगिरि जानो हादोमोन।

5थि खेल' इन्डिया उइन्टार गेम्स 2025 नि गिबि खोलोबआ लादाकआव जागायबाय

गाहाइ मन्थि नरेन्द्र मदिआ गेलेगिरिफोरनिसिम हामब्लायथि हरदो

गोदान दिल्ली, 23 जानुवारी: भारत सरकारनि गेलेमु बिफाननि बान्जायनायाव 5थि खेल' इन्डिया उइन्टार गेम 2025 गेलेमु बादायलायनायनि गिबि खोलोबआ दिने 23 जानुवारिनिफ्राय लादाकआव जागायबाय। बेनि नैथि खोलोबखौ फेगो 22 फेब्रुवारिनिफ्राय 25 फेब्रुवारिसिम जम्मु-काश्मीरआव खुंनाय जागोन। दिनेनिफ्राय जागायनाय 5थि खेल' इन्डिया उइन्टार गेम्सआव बाहागो लानाय साफ्रोमबो गेलेगिरिफोरनिसिम हादतनि गाहाइ मन्थि नरेन्द्र मदिआ गाहाम हामब्लायथि हरदो। गावनि हामब्लायथि रदावआव गाहाइ मन्थि मदिआ बुंदोदि, दुलाराय हादतनाडै नो जोनि सरकारआ गेलेमुनि मोनसे जांखिथाइ लाबोदो। बे खेवआव लादाक आरो जम्मु-काश्मीरआ



दावथाइथायनिल' थावनि नंलिया। आथिखालाव बे जायगायाव गेलेमुनिबो मोनसे गाहाइ थावनि जानो हमदो। जोनि सरकारआ लादाक आरो जम्मु-काश्मीरआव दावबायथिलिजो लो गोसे गेलेमुखोबो जौगाहोनायनि थाखाय गुदि थांखि लादो। जम्मु-काश्मीरआव मोन 100 खेल' इन्डिया मिरु आरो लादाकआव मोन 3 मिरुनि

गेजेरजो एथलेटिक्स, आचारि, बक्सिं आरो गुबुन गुबुन गेलेमुआव रोंगथि गोनां गेलेगिरिफोरखौ सायख'नायनि गेजेरजो बिसोरनि मोजो प्लेटफर्म जगायनाई होनो हादो। मख'नाय जायोदि, दिनेनिफ्राय जागायनाय 5थि खेल' इन्डिया उइन्टार गेम्सनि गिबि खोलोबआव गुबुन गुबुन राज्ज्योफोर जैर-हरियाणा, लादाक आरो महाराष्ट्रखौ लाफानानै, इडनियन टेरिटरि आरो

फसंथान हान्जाफोरखौ लाफानानै गासैमोन 9 हान्जाफोर 5 साननाडै मोननै गेलेमु आइस हकी आरो आइस स्केटि बादायलायगोन। बे गिबि खोलोबनि बादायलायनाया लादाकआव नो 27 जानुवारिसिम सोलिगोन। बेराफासै खेल' इन्डिया उइन्टार गेम्सनि 2थि खोलोबखौ जम्मु-काश्मीरआव 22 निफ्राय 25 फेब्रुवारिसिम खुंनाय जागोन।

सेम्पियन्स ट्रफि: पाकिस्तानआव सा 15,000 सान्थिफोरखौ थिसनबाय



इस्लामाबाद, 23 जानुवारी: थानाय माखासे सानफोराव पाकिस्तानआ सेम्पियन्स ट्रफि 2025 खौ खुंनायनि थाखाय थग-थियारि खालामनाया आबुं जायैनि गोबां सावरायजाबाय थादो। नाथाय दासान्दि, सेम्पियन्स ट्रफि खुंनायनि माखासे थग-थियारि

खालामनायनि माखासे सावगारि आरो डिडिअफोरा सोराडव फँबाय थादो। दासान्दि, पाकिस्तान क्रिकेट बोर्डआ सेम्पियन्स ट्रफिनि रैखाथिनि राहाखौ गोखो खालामनायाव नांथावबाय थादो। मोनसे रिपर्टनि बायदिल्ला, पाकिस्तानआ सेम्पियन्स ट्रफिनि रैखाथि राहानि

थाखाय 15,000 रैखाथि सान्थिफोरखौ थिसनसिगोन। बेबायदिनो पाकिस्तान सरकारआ लाहर आरो राउलपिन्डिनि फोथाराव रैखाथिनि थाखाय 12,564 पुलिसफोरखौ थिसननायनि थांखि लादो। लाहरआव गासै सा 7,618 आरो

राउलपिन्डिआव 4,535 पुलिस सान्थिफोरखौ थिसनगोनआ रोखा जाबाय। बेनि अनगायैबो स्पेसियेल ब्रान्सनि सा 411 मावख'गिरिफोरा गासै सेकि उरिटि अपारेसनखौ सामलायगोन। रैखाथि राहाया फोथार ओन्सोलफोरनि थाखायल' थानाय नडा। अदेबानि अखां साजोबो आरमि रैखाथि राहाखौ गोखोडै लाखिगोन। पुलिस सान्थिफोरा हटेलनिफ्राय लानानै फोथारसिम थांग्र लामाफोराव के मेरा लागायगासिनो दड, लो गोसे गेलेगिरिफोरनि थाखाय गासैबो बिथिडव रैखाथिनि राहाखौ थियारि खालामनाय जाबाय। मख'जाथावदि, पाकिस्तानआ 29 बोसोरनि

उनाव जायखि-जाया आइसिसि दुर्नामेन्ट खुंनो थांगासिनो दड। 2009 आव श्रीलंकानि हान्जानि सायाव उतखारि गाग्लोबनायनि उनाव पाकिस्तानआव रैखाथि राहानि जाहोनखौ लानानै जेब्लायबो सोंथि ओंखारबोबाय थादोमोन। अदेबानि लाहर आरो राउलपिन्डिनि थाखाय रैखाथि सान्थिफोर थिसननाया रोखा जादोब्लाबो दासिम कारासिखौ लानानै गोदान रिपर्ट मोनो हायाखै। रायखांनो गोनां बाथ्राया बेसेदि, एसेबां गोखो रैखाथि राहा जगायसेयावबो भारतनि क्रिकेट हान्जाया सेम्पियन्स ट्रफि गेलेनो थाखाय पाकिस्तानआव थानाय नडा। भारतनि हान्जाया सेम्पियन्स ट्रफिनि गासैबो मेचफोरखौ दुबाइआव गेलेगोन।